

四庫全書

子部

程鄭

貨殖傳山東遷虜也能治鑄富埒卓氏

程本

反自剡遇孔子於塗傾蓋與語終日孔子謂子路曰取東帛以贈先生

程邈

秦人改篆為隸今楷書字是也

程林

烏中泰時人以釀美酒得名

漢程昱

字仲德東阿人漢末保東阿歸曹操累遷都督兖州事卒謚肅侯嘗勸操因兖州三城以圖霸

業策表紹必擒公孫瓚孫權必不殺劉備無不中者

程不識

為邊太守出擊胡正部曲行陳軍不得自便

三程普

字德謀右北平士垠人初為州郡吏有容貌計畧善應對從孫堅出征堅卒復隨孫策拔廬江

欽定四庫全書

萬姓統譜卷五十三

明 凌迪知 撰

下平聲

八庚

程

安定商音顓頊重黎之後周司馬封承國程伯休父其後也以國氏焉

周

程嬰

晉人既謬殺趙朔孤兒屠岸賈不疑乃抱趙氏真孤匿山中居十五年韓厥言于晉景公立趙

氏後是為趙武即孤兒也遂攻屠岸賈滅之武既冠嬰曰昔下宮之難我非不能死欲存趙後今宜下報宣孟杵臼遂自殺武啼泣齊衰三年奉祀不絕

受代請留竟不得去永昌元年卒于郡子孫家馬墓在徽郡城西十里驛路之傍斷安有程氏自元譚始子孫遂遷歛之篁墩宋追封忠佑公

程衛

字長玄曲周人劉毅間其名辟為都官從事毅

秦中護軍羊琇犯法當死武帝與琇有舊遣人喻毅衛正色以為不可馳入護軍營收琇屬吏

北程駿

字騎駒曲周人少孤貧居喪以孝稱仕魏為著作郎除高密太守以有史才留之歷官慎清言

事每愜人心詔賜帛以旌其儉駿悲散之親舊

程茂

休寧人齊永元中為郢州長史會蕭衍起兵襄陽分兵圍郢城與守將張中協力拒守移書責

衍使反正詔以茂都督郢司二州軍事輔國將軍郢州刺史援絕城降義不受梁官

下秣陵皆有功遂為吳郡都尉遷零陵太守策卒輔孫權討平不服官至盪寇將軍子咨封高侯

程曉

字季明昱之孫嘉平中為黃門侍郎時校事放橫曉上書言其外托天威以為聲勢內聚羣奸以為腹心大臣含忍而不言小人鬱結而無告于是罷校事曉遷汝南太守

程秉

字德樞為太子太傅孫權為太子登聘周瑜女秉守太常迎妃權幸秉船深見優禮既還秉說登曰婚姻人倫之始王教之基聖王重之以率先衆庶風化天下故詩美關雎以為首願太子尊禮教于閨房存周南之所詠登笑曰將順其美匡救其惡誠所賴于傳君也

晉程元譚

晉元帝太興初以鎮東軍謀襄州刺史為假持節新安太守在郡為良二千石民愛懷之

程咎

休寧人茂之子幼能文以諸生選為司徒左長史累遷散騎侍郎大同中為秘書少監與柳渾

齊名嘗作東天竺賦以自況為時文士所傳忠壯公靈洗其孫也

程靈洗

字玄滌新安人少以勇聞善騎射仕陳為豫州刺史號雲飛將軍性嚴急士卒有小罪必

以軍法誅之號令分明與士卒同甘苦亦以此德之歷都督贈鎮西將軍諡忠壯

程文季

字少卿靈洗之子幼習騎射多幹畧果決有父風弱冠從父征討必先登陷陣文帝初累

遷新安臨海二郡太守靈洗卒文季盡領其眾起為超武將軍大建中從吳明徹止伐齊文季常為前鋒齊軍深憚之號為程虎後隨吳明徹侵周為彭城呂梁之役并陷于周周以明徹為衛將軍封懷德郡公文季不屈為周所囚後自周逃歸至潁陽為邊吏所執送長安死于獄

萬姓統譜

三

程收

忠信鄉人為人悃悃無華性嗜書不慕榮達素以

成于收收為之辨是非曲直咸心服而退當時化之後人思其里曰程鄉因遂以名縣焉

程元

師事王通北面受王佐之道備聞六經之義

程邕之

邕榮為張敬兒所殺邕之素依隨榮抱榮求同死敬兒殺之三軍莫不垂涕曰奈何一日

殺二義士

唐程名振

洺州平恩人仕為永寧令太宗征遼嘗召問方畧不合旨太宗詰之辨對益詳太宗稱為

奇士拜平壤道行軍總管破沙卑城及獨山皆以少擊衆號為名將

程務挺

名振子少從父征討以勇力聞嗣聖初為單于道安撫大使士服其威愛突厥憚之不敢

盜邊後以誣被害突厥間之
相慶為立祠每出師必禱焉

程知節

濟州東阿人從太宗征伐塞旗先登者不
一以功封宿國公改廬國公終岐州刺史

程杭

字公養休寧人唐末分兵鎮守婺
源陀川後嗣東密岩將居臨溪

程袁師

宋州人母病十旬不脫帶藥不嘗不進母終
因負土築墳號號癯人不復識嘗有白狼黃蛇

馴墓左每哭
羣鳥鳴翔

程權

本名執恭領滄景節度嘗夢諸門各署
權字乃改名權復朝日詔鄭權代之

程比干

廳事有花磚冬中以日影及八磚為八直
之候程性懶日過八磚乃至號八磚學士

程千里

萬年人魁岸有力天寶末為安西北庭節度
使祿山反千里守上黨賊將攻城千里率騎

欲擒之會救至退還馬墜塹中反被賊擒謂從騎曰歸語諸將善為守備賊攻城竟不克送千

里于洛陽囚之

程行

開元初與孚朝隱裴子餘同舍子餘以儒顯行謹與朝隱以文法稱或問優劣于長史陳

崇業答曰蘭菊異芳胡有廢者行謹卒諡曰貞時子餘諡曰孝張說嘆曰二諡可無愧矣

程驤

其父少良本鄆盜也致貲百萬老而改行不復出里閑者十五年既死驤不知後有過其母罵

之曰此種不良庸有好事邪驤泣問其語母盡以事告之驤數日不食悲散其財踰年貧甚就

里中讀書先生賢之時與饘粥布帛使供其母漸通五經子史動有絕墨開元初相國彭公聘

之不

起

程處默

上元間為寧晉縣令以地嫌鹵城南有新渠引汶水東入大陸澤溉田經十餘里復引水

入城地用豐潤民食乃甘

程諫

字仲幾休寧人靈洗七世孫開元二十七年進士再選藍田尉累遷著作郎大理司直汾州巡

官入為衛尉卿京兆少尹終密州刺史所蒞並有政績

程澧

休寧人靈洗十四世孫黃巢之亂衆推為將每擊賊却之楊行密遣田頌畧地令人諭之澧曰

所以自保者不欲三百年太平民為賊虜耳吾他何求願乃單騎詣澧澧因獻謀行密遂以為歙州都知兵馬使兵督大振弟湘洵皆預有功歷顯仕

程湘

字從龍休寧人靈洗十四世孫乾符中黃巢亂後草寇猶作湘自歙之篁墩與兄都使澧弟巖

將洵同起兵守休寧之東密巖以拒賊相為歛
州牙將分兵鎮婺源遂家焉龍紀中歷檢校工
部尚書子全禮字廣節嗣東密巖將後任光祿
大夫檢校御史中丞上柱國全臯字廣愛以材
武授檢校御史大夫全臯子適字祉翁亦以材
武歷銀青光祿大夫檢校戶部尚書兼國子祭
酒上柱國

程南節

休寧人都使灋之子佐父起兵東密巖以捍
羣盜每戰必為前鋒賊畏憚之羣盜次第削

平南節之功居多歷官歙州兵馬先鋒銀青光
祿大夫檢校左領軍大將軍上騎都尉嘗自以
一軍屯休寧遂定居陪郭天祐中以疾卒從弟
旭從子杭從曾孫淮沅相繼為東密巖將旭又
兼領開化龍山宋賜
廟食追封顯佑侯

程富

休寧人靈洗之後以勇力聞隋末起鄉兵據古

城巖即萬安山推郡人汪華為帥華定有歙宣

杭睦饒睦六州稱吳王富力居多唐高祖既立

華奉六州歸唐鄉人免于兵燹唐封華為越國

公以富為司馬休寧縣侯鄉人追感華全郡之

德立廟祀之以四人配食而富居其一宋追封

侯輔烈

五代程福贊晉出帝親禦契丹軍士縱火欲亂福贊救火

被傷恐動搖人聽因匿不言李殷誣以與亂

通殺之終不自辨

宋程羽博野人五代晉時歷虞鄉醴泉新都今皆有政

績領開封府判官太宗尹京以長者待之及即位拜給事中知開封府出知成都府復遷文明

二程
父也

程琳

羽從孫舉服勤詞學科累官三司使出納尤謹
內使奏琳專琳曰三司貢賦皆朝廷有也臣為

國惜于臣何有帝然之拜尚書左丞出判
大名府魏人愛之為立生祠卒諡文簡

程師孟

字公闢吳人舉進士甲科知南康軍屢領劇
鎮為政簡而嚴罪非死者不以屬吏發隱謫

伏如神得豪惡不逞跌宕者必痛懲艾
之所部肅然洪福廣越皆為立生祠

程邁

字進道黟人仕為顯謨閣直學士嘗因使過其
鄉民有訟田者二十年不決邁閱其牘問訟者

年幾何曰六十六邁曰爾齋券乃慶歷三
年時方七歲安得妻財置產訟者歎服

程叔達

字元誠黟人嗜學至老不倦第進士典湖學
後以論時弊擢為御史賑濟二浙甚有勞績

除右正言遷左司諫累官華文閣直學士卒謚莊節所著有玉堂等集

程戡

字勝之陽翟人舉進士累官樞密直學士知瀛州進端明殿學士叅知政事以郎延經畧使判

延州久在邊安重習事治不近名卒謚康穆

程惟象

婺源人以占算遊天下言人貴賤禍福皆預定自號三靈山人英宗在潛邸惟象嘗語人

曰後當為太平真主及即位賜以御書

程珣

洛陽人通之子初通令黃陂而卒珣不能還後為黃陂尉有惠政秩滿不能歸遂家焉生顯順後歸洛中慶厯間復起為南安通守與周濂溪游因以二子受學

程若庸

字達原休寧人淳祐丁未為湖州安定書院山長咸淳登進士為武夷書院山長累主師

席及門之士最盛號勿齋學者稱為勿齋先生所著有性理字訓講議百篇

程顥

字伯淳其先世居中山曾祖而下葬河南遂為洛陽人父珦神宗朝太中大夫顥生而秀爽舉

進士歷鄆上元主簿晉城令專尚德化熙寧初為御史裏行論新法不合去後又知扶溝縣坐獄逸

因責監汝州稅哲宗立召為宗正丞命至而卒顥以道學鳴世稱明道先生後諡純公封河南伯

程頤

字正叔顥弟少有高識非禮不動仁宗時上疏欲黜世俗之論以王道為心大臣屢薦不起哲

宗時詔授西京國子教授力辭召見擢崇政殿說書文彥博稱為真侍講從入元佑黨籍頤與

兄顥倡明道學出其門者最多世稱伊川先生後謚正公封伊陽伯兄弟俱從祀孔子廟庭

程天民

開化人幼時日誦數千言屬文操筆立就熙寧中進士官至太學博士弟宿舉端拱初狀

元仕至職
方員外郎

程節

字信叔浮梁人嘉祐間進士累官遷廣西運使
帥桂府甚得人心雖交趾亦曰天子使老成撫
我邊鄙我小國豈敢自干天討貢賦不
絕節官至寶文閣待制所著有竹溪集

程筠

字德林節弟嘉祐進士授縣令時新法方行筠
條其不便神宗改容進知陳留陳留近帝畿筠
均田賦平徭役不避權貴戚里訐之太后曰筠
廉吏吾可撓其政耶擢戶部郎中知真州蘇軾
美之以詩有君為赤縣有古風政聲
直入明光宮之句予初登第官郎中

程迪

字惠吉開封人父博古部郎延兵戰死迪以蔭
得官至營州團練使金人破永興迪率其徒力
戰身被鎗幾徧絕而復蘇猶厲聲叱戰
不已遂死之詔贈明州觀察使諡恭愍

程俱

字至道開化人宣和中進士累官中書舍人燕侍講後以徽猷閣待制提舉汪州太平觀俱在

掖垣命下有不安于心者必反覆言之不少畏避其為文典雅閎奧所著有北山集

程振

字伯起樂平人少有軼材靖康中拜刑部侍郎金人寇汴京索金帛無厭振與執禮等四人詣

金營言比屋盡空無以塞命敵酋怒遂遇害贈端明殿學士諡剛愍

程瑀

字伯寓浮梁人政和間進士累官校書郎金人侵入侵求可使者瑀請往至燕山不屈而還欽宗

慰撫備至除右正言高宗時遷給事中條上十四事皆切時務官至兵部尚書所著有周禮義

尚書說兩漢索隱

程克俊

字元顯浮梁人宣和間登進士累遷給事中時鄰之學宮經兵火或請于朝以為墓有旨

可其奏克俊封還制書學得不
徙官至權叅知政事卒諡章靖

程端中

池州人嘗知六安軍金烏珠入寇端中殫力
守禦死于國難時池州統制程全良之為求

其骸骨
歸葬焉

程大昌

字泰之休寧人十歲能屬文紹興中進士歷
知數州以龍圖閣直學士致仕大昌篤學于

古今事靡不考究所著有禹貢論易原雍錄易
老通言攷古編演繁露北邊備對又為山川地
理圖就經
筵進呈

程渭老

字少呂黟人顯學邁之孫以祖恩補登仕郎
被淮南憲檄鞠龍舒管承議之獄管遣人重

賂私禱于道渭老正色叱去躬親閱實竟論如
法轉池州建德令歲荒乃自履畝具得其實申

明 蠲放極力摩撫臺郡交薦遂有堂察之命紹興二年差知彼州轉朝散大夫除靖州卒渭老嘗倣司馬溫公祭儀跪拜獻興之節未始徇俗貧乏不能婚姻者隨宜賙給生長富貴中能律身接物不異寒素書翰清勁自成一家

程令說

字彥舉休寧人經學精通為鄉里宗法登紹興十七年進士授饒州鄱陽簿再調知靜江府理定縣卒有茅堂詩集藏于家子穆克承家訓入上庠嘗著書約義書博文丞相鄭清之倉使王伯大序其書

程佑之

河南人紹興間避地寓居于桂林後帥五羊令其子孫墳墓俱在桂林

程之邵

眉山人曾祖仁霸即蘇洵妻之父仕為錄事叅軍能辨疑獄之邵以蔭為新繁主簿歷知

泗州鳳翔府鄭州徽宗時累官顯謨閣待制攝
涇原帥事屯兵行邊敵人聞風遁去兄之元知

楚州有政績子唐

官至寶文閣學士

程堂

知雙流縣聽斷明敏縣無留獄有蝗食苗堂曰
吏奉天子命以養民蟲當食吏五臟無食民食

乃引泉而吞
之蝗遂踰境

程千秋

知公安縣時羣盜欲犯公安千秋帥縣民禦
之岳劉鼎澧皆賴以安民間多繪像祀之就

命通判
荆南府

程昌寓

知鼎州無鼎澧鎮撫使時胡賊楊么來攻而
昌寓以蔡兵禦之後人為立廟名曰忠祐

程秦

休寧人宋方臘亂率鄉民守白際馬金嶺等
處郡守命秦本縣軍謀柵守佗山遂居秦塘

程俊

會州人紹興初居栗亭之泥陽鎮始俊幼稚父母陷靈夏常號泣自毀逮長捐家財數十萬以

贖馬未至日北向號泣以請飲食為廢夏人感動遂還其母

程全

休寧人宣和末方臘盜起邑令翁由將弃印走全起兵遮留之賊平累授承節郎靖康初從康

王入援宗澤破金人于衛州全與有力苗劉之亂從劉光世勤王賊平授開州團練使後以事

忤建康留守杜克金人入寇克督令出戰衆寡不敵死之後贈協忠大夫錄其子孫

程鳴鳳

字朝陽祁門人歷官知德慶府將之官適部內山猺猖獗或止之鳴鳳正色曰當天下有

事之秋正臣子奮志之日仗馬木鷹吾不為也至即平之反代主管建昌軍仙都觀以歸未幾

起知南雄陞辭進無逸說上嘉獎再三三年辭組而歸

程沂

字詠之洛人伊川從子紹興間知崑山為政中和有古循吏令

程璠

知豐城識用高爽凡山川道途人物名氏目所一見耳所暫聞閱年雖多不復忘廢為邑三年

識其民

且半

程九萬

青陽人知武康縣下車首訪儒術頑民奸宄繩之以法境內肅清秩滿去任邑人攀餞間

巷為

空

程鼎

婺源人與羅願輩同學于朱松得修身為學之要益自樹立博覽經籍為文不效舉子尺度不

仕而

卒

程時翼

字勤道崇仁人家貧授徒或累月食無鹽不妄交接邑令念其貧請作平政橋記欲因此

餽之時翼曰毋污我絕不與通晚為始興尉單騎入賊壘論化盜賊為良民下不敢欺紹興七年歸沐浴更衣跣跣為立卓行傳

程迴

字可久初家寧陵之沙隨靖康之亂東徙于餘姚孤貧飄泊年二十餘始讀書授經學于崑山王葆嘉禾間人茂德嚴陵喻樗學者稱為沙隨先生註書百餘卷舉隆興初進士初尉泰興遷德興丞終進賢令政令明簡治民有恩義能化奸為良洗雪冤滯所至皆著異政朱熹稱其博聞至行追配古人釋經訂史開悟後學當世之務入所通該著書滿家足以傳世子絢以迴致仕恩調巴陵尉攝邑能理冤獄孫仲熊亦有名

程端蒙

字正思朱子門人學問淵源獨得其宗及卒朱子贊云嗚呼正思退然若不勝衣而自勝

有以舉烏獲之任言若不出諸口而衛道足以
摧髡衍之鋒俛焉日有孜孜者吾未見其止乃
一朝而至此則天曷不假之以壽以成其始終
嗚呼此猶不足以槩其敦實之貌來者亦姑以
是想見其遺風

程先

字傳之休寧人團練全之子痛父死節于金誓
守先墓不仕力學好古隱居邑之東山有志聖
賢之學以書問道于朱子朱子嘉之復以書載
在朱子大全老病不能卒業遣子永奇從閩往
受學焉

程洵

字允夫婺源人以詩文求教朱晦菴答書曰如
欲為文章士而已自應不在他人後如果有志
古人之學則所示猶未得其門嘗以道問學名
齋晦菴易其扁曰尊德性因為作銘其他往復

問答數千言載于大全集者僅十三書耳初任衡陽主簿士友雲集登其門者如出晦菴之門

程卓

字從元休寧人淳熙中試禮部第一遷刑部郎中嘗使金議論不屈金人憚之後知泉州民為

立祠尋召同知樞密院事

程秘

字懷古休寧人紹熙中進士授昌化主簿累官權吏部尚書拜翰林院學士立朝剛正風裁凜然進封新安郡侯以端明殿學士致仕居家常平糶以濟人凡有利于衆者必盡心焉所著

有沼水集

程庭

字寧人嘉定戊戌進士調勝陽軍羅山縣監軍學教授皆捍勇有功移江陵僉闕羅

山縣敵窺斲黃方奉辟節制三關與軍策應沒于軍贈朝奉郎

程公許

字季與叙州宣化人與其兄公說公碩俱登嘉定中進士公許屢應詔言事抗直有聲累

官刑部尚書後以寶章閣學士知隆興府所著有塵缶文集內外制奏議行世

程應辰

休寧人性耿介學識為京邑所重以蔭授忠州文學歷臨安府司戶並僉安撫兩浙運司

主管文字幹辦公事

淳祐中轉迪功郎

程崇

歙縣人登淳祐第歷大理寺丞出守台州抑絕權豪甚有聲政府治後山有猿精嘗出為妖怪

崇至潛伏不見後官至將作監

程德玄

字禹錫榮澤人善醫術太宗尹京邑召置左右頗信用及即位拜翰林使時陳洪進來朝

令德玄迎勞之船渡淮暴風起眾恐皆請勿進德玄曰吾將君命豈避險乎以酒祝而行風浪

遞止累遷代
州防禦使

程元岳

字申甫歙縣人寶祐登第除宗學博士歷遷殿中侍御史工部侍郎以清介自持嘗彈擊

奸相宦寺
無所畏屈

程元鳳

字瑞甫歙縣人紹定中禮部第一歷監察御史右正言兼侍講後拜右丞相兼樞密使御

書清忠儒碩昭光六字褒之進封
吉國公卒贈少師所著有訥齋集

程士龍

字應辰慈谿人登進士主句容簿時歲饑督濟有方老弱賴以全活校文于歙真德秀重

其才薦知仙居李宗勉復薦之遷知臨江軍多
善政民為立祠後除國子丞輪對慷慨理宗嘉
獎焉遷右曹郎改知撫州謹刑惠民城中有夜
半殺人者逮繫至六七囚獄成士龍疑之俾臨

川宰密察之得其辟捕之一訊而服民作平冤歌頌為神明云

程覃

字會元提舉兩浙常平茶關嘉定六年蒞任以東錢湖沱山閘

博每

患湮圯始置田租以所収歲給開田造器服以勸學蠲海錯果窳之征以惠民凡

公府廨舍城郭戎器倉塲橋道以至鄉飲器具織悉畢備人服其整

程驤

休寧人開慶元年進士歷官保議郎中書舍人致仕宋亡元人求訪舊臣驤屏迹不出

程楚翁

婺源人德祐末元兵入臨安江東列郡皆下楚翁結死士謀復郡城事泄被執擄掠幾死

賄守者得脫馬遷巒義不仕元往授之又往從謝枋得於閩及枋得被執去楚翁無所依死于

逆旅

程洙

休寧人淳祐十年進士授貴池縣主簿調上元縣德祐己亥建康陷百官投牒降附洙仰天歎

曰吾受宋官二十餘年忍移所守為降賊以偷生乎自縊而死

金

程震

東勝人與其兄鼎俱擢第興定初震為陳留令治為河南第一召拜監察御史剛直有材幹志

身殉國及為御史臺綱大振

程輝

蔚州靈仙人皇統初進士累官磁州刺史戶部尚書大定末拜叅知政事多所建明卒諡忠簡

輝性倜儻敢言喜操學尤好論醫云

元

程一飛

字仲甫歙人生宋季博習諸經尤精於詩文章操筆立成不喜穿鑿附會郡庠每試必為

衆俊先景定辛酉鄉試以書經魁亞選公論皆稱有司不明而一飛未始以科場得失介懷泊

如也郡守林洽延置郡齋即問政體隨事據理以對終不及官府之是非早孤事祖妣孝晚得未病竭力扶持侍漸濯必身親之專以經學訓誨鄉閭子弟負笈來自遠方所居至不能容一經指畫皆為名士其郡方回稱其文清勁如其人云

程

闕

字仲叔休寧人幼穎悟再領鄉薦不第即棄與族父若庸講明正學著中庸講義三卷益暢朱子之旨元貞丙申薦授紫陽書院山長學者翕然尊之秩滿陞嘉興路海鹽州教授卒以子願學贈徽州路同知婺源州事

程願學

休寧人弱冠遊京師以薦入書局修職方氏書後除循州長樂令民有死非命者其妻訴

不願理呵曰此即殺人賊也一訊而服羅江五峽諸賊時出掠殺不敢入長樂境秩滿歸道卒

程擇

婺源人博通經史尤好孫吳兵法嘗為武昌路學正借克統兵掾史領兵征討平獯蠻有功陞

本路教授至正壬辰紅巾兵起以府檄起義兵固守城陷死之

程思廉

東勝人父恒解州鹽使思廉至元中為監察御史以劾權臣阿合馬繫獄後為雲南行臺御史中丞累任風憲剛正嫉惡好薦達人物或以為好名思廉曰若避好名之譏人不復敢為

善矣卒謚敬肅

程埜

偃師人博通經史仕為太中大夫河南路總管轉集賢院直學士

程榮秀

字孟敷休寧人初從學虛谷方回延祐中用學士鄧文原薦授建康路明道書院山長陞

平江路儒學錄再調嘉興路儒學教授為教率先行義後課試錢穀有餘即以整濂洛之書補

其粹本又嘗復新范文正陸宣公祠訂正其遺
大哀其祀典為景行錄以家禮出朱文公歿後
中多未定之論復取文公言行有涉于禮者為
翼禮以傳薦授浙江儒學副提舉自以年邁舉
婺源胡一桂四明程端禮自代遂致仕榮秀為
學一以治心為主所至必揭四箴及敬齋箴于
壁以自警居家接物動師古人
服食寢處悉有常度年七十卒

程直方

婺源人少篤學通諸經尤精于易宋既革命
不復求仕凡部使至縣必訪問求見或延至

學宮執禮受教
平生著述甚多

程鉅夫

南城人元初見知于世祖官至翰林學士承
旨每有章疏言民間利病及請搜訪賢才世

祖皆嘉納之卒謚文憲追
封楚國公有雪樓文集

程文

字以文婺源人平生介然自持不苟矜造請居窮守約以鑽研六藝紬繹百家為文明潔而精

深與陳旅相伯仲年踰六十始擢國史編修奉使江南客死錢塘自號黟南生有遺稿二十八卷

程復心

婺源人自幼沉潛理學會輔氏黃氏之說而折衷之章為之圖圖為之說書成名曰四書

章圖總要仕元為徽州路教授後以母老辭歸

程端禮

字敬叔鄞縣人年十五能記誦六經曉析大義慶元自宋季皆尊尚陸氏學端禮獨從史

蒙卿游以傳朱子明體適用之指學者及門甚衆所著有文集及讀書日程仕為衢州路學教授

程端學

字時叔端禮弟通春秋至治中進士仕為國子助教動有師法剛嚴方正學者嚴憚之遷

太常博士所著有春秋本義辨疑等書

明

程新

新城人洪武中由鄉舉歷官勤慎練達政務累官兵部侍郎

程本

初洪武初南陽府同知以文學經術幹濟見稱時創建公署學校繕築城池相度經營皆出其意人服其能民安其業

程

闕

名昆以字行休寧人幼從鄉先生趙汭游又師金原忠江彥明吳漢臣洪武二十二年以

明經舉任黟縣學訓導用本縣知縣闕之用薦擢浦江知縣律立廉潔臨民莊敬陞霸州知州卒所著有周易集傳十卷及覆瓿集

程

闕

賜

字孟思休寧人自少嚴毅有志畧年十三能率丁夫于池州伐海船木起赴郡又奉例改

造戊戌自實田一東至公臺髮不少假嘗蠲已帑倡諸父昆弟以贖石灰山之役及運婺源巨木五千餘赴安慶以應和買之令事聞太祖高皇帝深嘉之命光祿賜膳內府給價以償之

程繩祖

字叔武休寧人洪武中邑令劉紹先以經明行修舉差陝西盤糧未幾除陝西道監察御史

後左遷湖口縣令九載有惠政湖口東曰黃麻潭原是隰田累為猪蛟攻陷五百餘畝業者虛輸賦稅繩祖乃齋沐禱于城隍其蛟白日為迅雷所斃尸血浮江民患以息奏聞除豁田稅歲徵魚課民德之厚相與立祠肖像祀之

程彌壽

字德堅祁門善和人國初從下江西有功授行樞密分院都事捍禦景德鎮辭召不起適

之淮西後終于家
有詩曰仁山遺藁

程通

字彥亨績溪人性至孝慷慨有大節讀書過目不忘下筆立就數千言洪武乙丑時年二十二領鄉舉入太學明年間父客沒于外哀訪至江西之吉安始得父喪遂奉以歸廬墓三年厥後以祖遠謫陝西上表乞釋之其畧曰臣幼失父止有祖坐法流陝西遠隔四千里外今年七十有四竢然無依又曰臣無父祖猶父也祖無子孫即子也父子骨肉坐視其若是而不相救烏在其為孝也上憫其情釋歸田里人皆以為孝感所致後通官至遠王府長史王甚敬禮之北平初上封事數千言永樂間錦衣衛指揮使紀綱以舊憾譖之遂有詔械通詣京簿錄其家通既死家發成邊有文集藏于家

程本立

字原道，高出伊川先生。今為桐鄉人。篤志問學，造詣日深。洪武九年，舉明經秀才，擢秦府

引禮舍人。母憂，服除，改周府。尋以府事累謫雲南。長官司吏目時王師初平西南，餘孽尚驕。西平侯沐英布政張統聞本立賢，委以統領守禦。本立創為賑濟安撫之策，自楚雄姚安大理鶴慶麗江永江永昌徧往撫綏，便宜賑卹軍民安業。本立之功為多。戊寅年，奏計京師，時修高廟實錄，遂入翰林，編纂尋擢左僉都御史，作御史歲自勵。明年實錄成，出為江西按察副使，未行而北。師渡江，本立悲哀自盡。

程濟

陝西朝邑人。好學，有法術。洪武中，由明經授岳池教諭。建文初，上書被逮，獄北平。兵起，召任翰

林編脩北師。入金川門，隨建文逃去。

程質

字文夫婺源人性敏嗜學涉獵經史能詩文隱居養親尚氣節不釣聲利弘治紀元與修憲廟

實錄又嘗佐篁墩學士修程氏統譜及編新安文獻志所著有南峯小葉四卷文獻錄八卷及

編星源志一十
二卷藏于家

程富

涇縣人永樂戊子舉人初授湖廣布政司照磨薦為監察御史提督北直隸學校作興士類得人甚盛尋陞廣東按察僉事居官以廉公著稱性剛直不為勢利所移士林重之

程南雲

南城人永樂間以能書徵起與修永樂大典授中書舍人累官太常卿尤精篆隸為時所

重

程

闕

字叔玉婺源人正統元年登進士第授中書舍人歷官九載陞禮部儀制司員外郎以清

慎著名十四年扈從北征奮不避難以死景泰四年朝廷追賜誥命贈其父母

其長子俊

于太學以旌其忠闕以經明行修舉授邵武縣學訓導

程信

字彥實休寧人正統壬戌進士授吏科給事中

英廟北征與廷臣上疏諫止不報敵入寇奉詔

提督守禦京城歷太僕卿陞左僉都御史巡撫遼東破松藩夷寇成化初四川山都掌蠻作亂

進兵部尚書提督軍務破諸寨改大壩為太平州立長官司以制之詔兼大理寺卿改南京叅

贊機務卒贈太子太保謚襄毅歷仕四十年剛方之操始終不渝性孝友少時嘗力耕養母母

喪廬墓有野蠶成繭及芝產之瑞所著有晴洲集容軒藁若干卷

程可久

字季成婺源人以太學生授監察御史巡按雲南遼東所至糾劾嚴肅蒞事剛果貪墨酷

暴者望風解
綏民被其澤

程富

字好禮歙人領鄉薦後拜監察御史嘗出按湖廣激揚有聲復按江西救荒有善政及息大盤

山妖賊民賴以安事間璽書褒獎陞大理少卿遷都御史叅贊陝西甘肅軍務陳軍民利病五

事復以麓川不靖往撫雲南有功而歸進嘉議大夫以疾請家居十餘年卒自號水月道人

程昊

字希大婺源人正統間進士授監察御史巡按浙江數奏劾不法肅大比之漢張綱桓典宋劉

顥趙抃時賊葉仁入等攻掠郡縣昊至即擒斬之郡縣以寧卒于官

程泰

字用元祁門人景泰間進士奉命犒師宣府邊帥重之授主事歷郎中視山東災陳賑恤四事

多見舉行擢廣西右叅政時安南以疆土未定數近邊泰自往定之進布政使律已以倡僚屬

為時

所稱

程熙

歙人舉鄉貢授福建汀州府同知剛介廉慎佐郡十一載政績屢著民歌頌之紫雲臺有盜數

千嘗往來劫掠熙單騎投其營曉以理法皆散去事聞旌異之秩滿卒于官

程萬里

字道遠華容人天順丁丑進士成化初授吏科給事中封駁得體嘗上疏言用賢圖治疏通人

才慎選風憲皆切時政累官戶部右侍郎致仕家居嘯歌山澤托志恬曠所著有閒情集

程宏

字毅夫祁門人以春秋領天順壬午鄉舉第二登成化丙戌進士以才行選授河南道監察御

史嘗巡按廣東江西河南激揚得體名動中外歷廣東按察司副使

程宗

字原尹常熟人成化間任主事至御史大夫時相安賄於猛密欲使劉職方往辭宗方有服遂

舉之視師雲南喻以意宗至咨之撫監使者吳誠宗言其不可狀宗怒曰內嚙此夕正謂若不

能任尚敢爾誠宗憂憤卒宗遂招罕弄弄輕之顧邀宗來撫不得已而往弄益傲睨辭不遜隨

咱之貨故時夷謁使者至廷伏不敢起兵左右夾之至是宗乃延之坐遂為請畫分地世其官

相安喜懼宗至司空猛密故屬木邦叛之自立西南夷不平以兵相攻久不靖

程敏政

字克勤襄毅公長子生而蚤慧人方之孔文舉李長源十歲以神童薦召試聖節及瑞雪

等詩并經義各一篇援筆立就詔讀書翰林登成化丙戌進士第二授翰林院編修歷禮部右侍郎兼翰林院學士以考試事罷歸卒贈禮部尚書敏政秀眉長髯風神清茂於書無不讀文章為一代宗匠喜接賢士大夫升其堂者屢談不厭叩之者不能測其涯雖遭讒忌至于逮繫舉

動如平日所編著有皇明文衡朱陸道一編蘇氏檇杭瀛賢奏對錄新安文獻志詠史詩宋闕

民錄真西山心經附註程氏統宗程氏闕并宋闕受終考道一編諸書篁墩諸藁闕

卷闕

行素藁儀禮逸經其于大學有古定本

程文

字載道確山人成化丙戌進士歷官通政

程楷

字正之樂平人成化丁未會元歷編脩

程啓克

字以道嘉定州人正德進士顯發有雋才銳情許國通諳典章為名御史敢言執憲諸寮

長倚以為重一青大獄戍廣右

程昌

字時言祁門人正德進士巡按廣東廉潔惠愛順民徭役定立銀力二差民甚便之得爪代士

民攀送者
千餘人

程文德

字舜敷永康人嘉靖己丑進士第二授編修仕至吏部左侍郎兼學士以玄修忤旨改南

京工部侍郎贈尚書諡文肅文德剛方端確臨事屹不可奪至於任司成教士循循善誘敦大

寬裕卒以正而見忌士林仰之

程秀民

字天統西安人嘉靖壬辰進士歷都御史

明

吳興宮音周泰伯之裔為百里奚生孟明視子孫以王父字為氏

晉明預

荀晞刑政苛虐閭亭以書固諫晞怒殺之明預有疾舉病諫晞有慙色

明普

平原人見山公集

明汲

撰家訓四卷任主簿廉慎愛民時值歲歉賑給有方親喪不能舉者賻之二年陞知縣

明僧紹

字承烈平原高人明經隱居聚徒立學宋累辟不就弟慶符知青州南齊高帝欲往見僧

北

紹避之帝遣人賜以竹根如意及筍簪冠子山賓

明山賓

字孝若僧紹子在梁首應五經博士之選為兗州刺史雖出撫大藩擁旌推轂弭金拖紫

恒事

履空

明僧嵩

明帝時為青州刺史

明粲

撰世錄二卷

明少遐

青冀二州刺史

明亮

字文德平原人有識幹仕魏累遷陽平太守清白愛人甚有惠政轉汲郡太守為政如前及卒

二郡皆追思之

明公遐

字處約梁簡文除為尚書曰不喜卿得尚書喜朝廷得人

明慶符

平南人青州刺史

隋

明克讓

字弘道僧紹孫父山賓梁侍中克讓少好儒雅善談論博涉書史所覽將萬卷年十四釋

褐湘東王法曹參軍入隋拜太子內舍人進爵為侯于時盛徵才學之士至于博物洽聞皆出

其下

唐明崇儼

以奇術自名唐高宗召見盛夏思雪崇儼坐頃即取以進自云于陰山取之上又憶瓜索

百錢須臾以瓜獻曰得之繼氏老人圖
中上台問老人云失一瓜而得百錢

明仲璋

居樓霞寺寺後有碧鮮亭白雲庵白雲泉

宋明鎬

字化基安邱人中進士第仁宗朝歷京東益州陝西河東轉運使入知開封府副文彥博討平

王則於貝州拜叅知政事卒謚文烈鎬端挺寡言所至安靜有體而遇事不苟為世所推重

明橐

紹興中為御史宣諭廣東訪求遺逸

明好義

同楊巨源滅吳曦

明時用

資陽人洪武中任荊州府通判

明經

四川人成化進士

明彝

黃岡人弘治中舉人任翁源縣知縣

明輔

巴縣人正德間廣州府通判

明幼克

西克人嘉靖舉人任黃陂知縣歷思州知府

明進德

萬歷間金華東陽縣主簿

成

上谷商音周文王第五子邠叔武之後子孫以國為氏後為楚所滅子孫去邑為成又望出廣陵

周

成覲

齊人謂景公曰彼丈夫也我丈夫也吾何畏彼哉

成得臣

字子玉仕于楚伐陳有功使為令尹子文曰有大功而無貴仕其人能靖者焉有幾子大

心

成大心

成謹

宋大

成熊

得臣

成璿

漢弘農人舉孝廉拜郎中遷南陽太守舊多豪強璿下車振威嚴以檢攝之信任功曹岑晁時語

云南陽太守岑公孝弘農成璿但坐嘯公孝其字也

成翊世

平原人好學明道術少為郡吏延光中太子廢翊世上書訟之下獄免官及太子立是為

順帝拜議郎耻不受後執政者交引之除尚書在朝正色百僚敬憚

成封

陽夏人與桓郁等論定五經同異于白虎觀官至少府

成吉

成儒

見印

成輔

殿中郎將

成存

江陽太守有佳政

晉成藻

為南宮令豪傑卓爾令譽赫然及去百姓攀車不得行宵遁去後為北燕主馮跋輔相及卒跋

甚痛之

北成景雋

范陽人祖興魏五兵尚書父安樂淮陽太守梁天監中常邕和殺安樂景雋謀復讐購人

刺殺邕和及其子弟武帝義之不罪後每思報效為北豫州刺史時推其智勇兼有政績州人

樹碑紀德

卒謚忠烈

成伯璵

著尚書斷章十三卷毛詩指說三卷

成玄

著公穀總例十卷

唐成淹

字季文好文字有氣尚入魏授著作佐郎闕文欽冬月巡漠北朝臣諫並不納淹上接輿釋遊

論帝覽之詔曰卿諸人不如成淹論通釋人意乃赦停行

成及

字弘濟錢塘人父貞國子博士及以篤厚為鄉里所重乾符中代閭人字掌八部兵劉漢宏作

亂與錢鏐同討平之累官兵部尚書克常州防禦使遷檢校太師無侍中

成崿

詩人

五代成幼文

南唐大理卿作謁金門云風乍起吹皺一池春水王名曰職在典刑一池春水關得甚事

宋

成閔

邢州人靖康初劉韜帥真定以應募在麾下後從高宗南渡屢立戰功韓世忠推讓其材嘗拒

金主亮有功拜太尉卒贈開府儀同三司有子十一人

成無玷

字士慙武康人舉進士調江山令宰相李綱薦其文武才畧召對闕官紹興間金人

犯順呂頤浩後薦為守鄂州兼鄂岳安剌使修築城壘教閱士伍闕宗兩賜御

劉褒美時論多之

成象

渠州流江人以詩書訓授里中事父母孝淳化中李順據郡縣象父母驚悸死象號泣營葬廬

墓側日篩土三斗于墳上每慟聞者悽愴虎豹環廬而卧燕百餘集廬中未生墓側生九穗服

終未還家知禮者
諭之始歸教授

成藻

為南
宮令

成銳

闕人應
制科王

成悅

字以道景德中以制
作郎知廣德軍事

成端亮

字伯闕紹
聖進士

成欽亮

字仲邦端亮弟朝奉大
夫知陝州隆興進士

元成克敬

碑山人敦朴務實由歸德軍判官轉國子監
典籍卒贈朝列大夫祕書少監追封上谷郡

伯

成王

行府提控都管從郝經使宋者也經拘留真越七年而從經者格鬪相殘索經于室經乘昏踰牆伴使來救經脫而王死之初變未作時從者頗怨忿欲有異謀王屢勸經宜謹備之經不以為然竟以致變王死經為文以祭焉

成遵

字誼叔至正中武昌路總管時武昌為汙寇殘毀民多死于兵而大江上下皆劇盜阻絕遵假軍儲鈔萬錠募勇敢士具戈船截兵境且戰且行糴粟于太平中興民賴以全活者衆

明成璉

興化人洪武中授代州學正陞蔚州知州為政清肅與守將協修邊備民賴以寧永樂初命為北平布政司叅議制辭有致朕無北望之憂之語卒追封吏部左侍郎洪熙初贈吏部尚書

成洙

字懷魯南和人篤志嗜學元末扶母氏避亂山西訓蒙以給衣食母喪負骸骨歸洪武七年以

明經授本縣儒學訓導陞山東益都教諭子均博通經史洪武二十七年授本縣學訓導父子

相繼儒官無愧師責

成莧奇

洪武中常熟知縣時府吏詣縣徑由中道入公堂莧奇怒其越禮執之事聞上喜其能命

以酒勞之

成均

監城人永樂中由國子生授監察御史端厚勤慎陞江西按察副使再陞南京刑部右侍郎轉

戶部右侍郎

成務

興國人永樂間任監察御史以振揚風紀有聲起陞貴州按察使

成實

光州人天順進士成化中任禮科給事中上言疏通歲貢一途上是其言

成始終

字敬之無錫人正統己未進士授行人拜監察御史己巳之變督兵紫荆關守要害地事

竣擢湖廣按察僉事敏于疏決獄無滯囚以直
憲忤當道乞歸結屋顏曰錦江舡海嶽軒善吟

咏所著有澹軒集
倪文僖公表其墓

成器

餘姚人正統間間侍講劉球劾中官王振下錦
衣獄死乃即邑中龍泉山頂為壇祭球祭畢以

餽頒諸同志其祭文歷述古今權
奸之禍凡二千餘言人謂之祭忠文


成樂

字以和湖廣石首縣人由進士正德十年知秦
州居官清慎宅心慈愛十三年春遽以疾革囊

索蕭然幾
不能殮歸

成子學

字豫道海陽人嘉靖甲辰進士任泮江知
縣有惠政任御史有風裁歷行太僕寺卿



萬姓統譜卷五十三

欽定四庫全書

子部

萬姓統譜卷五十四至五十七

詳校官中書臣徐志晉

主事臣祁韻士覆勘

總校官知縣臣楊懋珩

校對官中書臣王家賓

騰錄監生臣范鍾

欽定四庫全書

萬姓統譜卷五十四

明 凌迪知 撰

下平聲

八庚

彭隴西宮音大彭為商諸侯以國為姓

同 彭祖

古陸終氏第三子錢經也自堯歷夏殷封于大彭嘗隱於雲母山服雲母壽八百歲

彭更

見孟

彭仲

楚大夫

欽定四庫全書

萬姓統譜

彭令昭

歌師也秦始皇時武夷君會鄉人于幔亭峰今昭歌人間可哀曲歌罷綵雲四合環珮鏘

熊凌空而去

漢彭越

昌邑人常漁鉅野澤中陳勝項梁彭越少年相聚請越為長叔諸侯散卒得千餘人沛公擊昌

邑越以兵助之自是為漢遊兵擊楚卒敗項羽于垓下以功封梁王

彭宣

陽夏人治易事張禹禹薦其明經有威重可任政事入為右扶風累官大司空封長平侯王莽

專政宣上書言三公鼎足承君一足不任則覆亂鼎實臣年既昏亂乞骸骨歸鄉里

彭閎

治歐陽書漢光拜桓榮為博士榮曰臣不如同門生彭閎因拜為議郎

彭修

字子揚會稽毗陵人年十五侍父行道中為盜所劫修拔佩刀向盜曰父辱子死汝不畏死耶

盜驚謂曰童子義士毋逼之遂辭去後仕為郡功曹嘗守吳令討賊障扞太守為流矢所中賊素聞恩信即殺中修者衆悲降曰自為彭君不為太守也

彭翼

宜春人獻帝時歷官建平長沙北海三郡太守封宜春侯

三國 彭義

字永年廣漢人身長八尺容貌甚偉姿性驕傲多所輕忽惟敬同郡秦宓子勅薦之于太守許靖以為高概節行守真不虧雖古人潛適蔑以加也

晉 彭祈

襄武人仕為周別駕從事歷西郡酒泉弘農略陽四守累官封侯所至忠以衛上清以守已威以克敵恩以惠下

唐 彭世昌

字襲之宜春人謹身修行以名節自持楊行密據淮楚召為長史未幾謝病歸隱于郡之

修仁鄉一旦有豪猾子數百為郡劫之曰吾徒遭亂世未有所託方今德足而智有餘莫若君請隸焉世昌正色叱曰梁汴之間真人出矣僻之日也四方鼠輩其猶熾火不息未之有也不知命數而逞無窮之欲智者不為也敢辭復請又辭三請之不從設棘箚其上而焚之

彭雲

宜春人自幼力學通陰陽圖緯隱居不求聞達玄宗遣使者以蒲輪召之至再始行命之官不就辭歸孫伉貞元間舉進士歷

彭乘

華陽人性純孝以好學稱舉進士嘗登相國寺閣慨然曰親老矣安敢舍晨昏之奉而圖一身之榮乎遂奏乞歸養及父卒甘露降

封樹人以為孝感後累官翰林學士

彭蟾

字東瞻宜春人好學不仕以處士稱重修唐韻及著鳳池本草廟堂龜鑑共一百二十卷有詩

十一首見

宜春集

五代彭璫

字武仲崇安人祖遷官至千牛衛上將軍父漢台州軍事判官璫通達經史家饒於財性喜釋

典與扣冰禪師善於所居之東建精廬與師居焉南唐間為建州兵馬都監詣金陵上書請以溫嶺鎮為崇安場璫仕至殿中監後人以其有奏請之功為之立祠今縣治所奉三丈王其一則璫也子孫歷仕多顯者

彭畬

婺源人唐末黃巢亂畬率兄弟起義兵捍蔽鄉邑死之鄉人懷其德為立廟宋開慶己未重慶

受圍兵交空中見大旗曰婺源彭王圍遂解帥李遇龍上其事于朝加封王爵

宋彭彛

字武山崇安人學問該博謹守節行侍郎劉夔薦于朝謂彛士檢清修才章典瞻誠所謂會稽

之竹箭海曲之明珠也既而被召赴闕試于紫微閣詰詞褒美云朕惟衆科不足以盡天下之士故因赦令而委天下以特招爾以守節見稱而議論亦嘗試矣賜之一命使力行者有所勸焉人因稱之為彭特招授將仕郎

彭任
廣安軍岳池人慶厯初富弼使遠任與偕行道次語弼曰朝廷所謂書詞萬一與口傳異將何

以對啓視果不同弼即馳還朝更書而去

彭孫
連城人少以勇敢自負皇祐間應募討賊孫乃單騎造其壘曰爾曹兵糧不及官軍之衆若悔過享終身之利于是賊衆感泣聽命後

屢平賊寇累官萊州防禦使隴西郡侯

彭抗
師事旌陽納愛女旌陽之子為婦旌陽嘉其誠恪應諸祕要志以傳之

彭淵材

嘗自言平生有五恨一恨鱗魚多骨二恨金橘帶酸三恨蓴菜性冷四恨海棠無香五恨

曾子固不能詩曉大樂
嘗歎樂書得協律郎

彭止

字應期崇安人自號漫者詩筆甚高嘗謁辛棄疾值其晝寢題一絕于齋而去辭云燕子聲乾

案按塵午窗詩夢煖於春清風不動堦前竹誰道今朝有故人棄疾覺遣人追之延留累月所為詩皆清麗典雅有刻鵠集

彭汝礪

字器質鄱陽人治平初舉進士第一累遷監察御史裏行首陳十事指適利害多人所難

言者神宗時又論兵不當以付中人哲宗時權吏部尚書出知成都府未行章數上又降寶文閣待制知江州汝礪平生言動取舍必合于義所著易義詩義詩文凡五十卷

彭超然

覺範之弟為人純厚善論詩極有風味嘗曰詩貴得於天趣覺範曰何以識其天趣曰能

知蕭何所以識韓信則天趣可識矣覺範竟不能屈

彭思永

字季長廬陵人舉進士累官侍御史皇祐中祀明堂百官遷秩思永以抗論張堯佐王守

忠罷知宣州歷知成都府還拜御史中丞時追崇濮安懿王諫官多以罪去思永力陳不可且請召還言事者以戶部侍郎致仕子衛孝謹有節操以父老棄官家居者十餘年

彭衛

字明微思永之子也少謹厚讀書不為科舉謀思永喪哀毀以孝聞元豐四年以宣義郎致仕

判趙州日民之鬻蔬者例出蔬供郡官以免身役衛知其說義欲不取而惡違衆告園丁曰我家食蔬少爾持歸鬻之積錢爾家待我終更併取也訖去不復問其清畏人知如此杜門晦迹

不求利達不事祠禱不延桑門不喜卜筮年七十六卒

彭持

字知權分宜人少喜學西漢文為諸生時知軍州事張顯稀簡接士求見者先令詩賦方得通

繇是士無敢進者持奮曰是謂秦無人矣因求入謁顯令作日新之謂盛德賦藏器待用詩皆立就張大稱賞貢入太學與臨江孔武仲齊名擢進士甲科元豐間累遷至司農丞出為監司終奉議郎江西提舉

彭舉正

萍鄉人有節行張士遜在相府聞其名辟之門下嘗夜試之舉正不為動以特奏名補國

士博

彭天益

攸縣人登元祐三年鄉薦崇寧初為太學博士以議論不合出為湖南提舉大觀初上封

事力言權奸誤國年五十即致仕居司空山脩然有物外意所著有瑞麟集

彭汝方

字宜老汝礪弟宣和初通判衢州使者上其治狀擢知州事方臘反陷歙睦且至衢境無

兵可禦衆皆奔潰汝方獨守孤城三日而陷罵賊以死詔諡忠毅官其家七人

彭拯

字原中崇安人未冠與兄攬試于京師父朝議公侯以詩勉之曰送汝趨京邑休辭馬上塵人

知官祿貴家為買書貧卒礪先修業軒騰欲奮身此行偕攬轡同醉杏花春後公果入太學政

和二年登進士第調撫州法曹歷真婺二州教授除辟雍正陞辟雍博士尋遷睦宗西宅大小

學教授改宗學錄上書論任子監恩等事不報出倅沅州而卒子昌言知桂陽軍臨武縣

彭路

字通達崇安人文思清新崇寧三年特奏名第一徽宗褒諭路謝以詩帝命翰林學士和之

彭合

廬陵人高宗時為清江主簿以土瘠賦重力請蠲減後為京西總領卒于官喪過清江民相聚哭肖像立祠長子商老為南雄州司理仕至南安通判次子漢老知常德府有豪民劉庚誣其悍僕為盜漢老審鞠僕免誅死

彭夔

字伯勝崇安人特奏狀元路之孫也紹興七年寇鄉薦時族之與計偕者三明年試南宮者六

劉屏山以詩餞之曰君家詩禮冠南區文陣堂堂盡壯夫漢傑姓名歸大族周官事業屬吾儒爭題玉字傳金榜悲奮朱鸞與鳳雛月桂香傳南北巷千言長策耀天衢二十四年登進士第渠州人元豐中舉進士第為兩浙提舉奉祠常蓄雙鶴江左士大夫送行有扁舟載雙鶴萬卷貯羣書之句

彭爚

通直郎平江僉判江文忠公萬里薦之云士林前輩有學有文貧而能廉老而練事曾躋政府

尚淹郡幕寘之館學庶無棄才

彭俞

字齊川宜春人少隱集雲峯學邃于易自號連山子紹聖四年進士知溧陽縣事理冤獄甚多

監司連薦之稍遷至朝散郎俞所著有君子傳三卷循吏龜鑑十二卷貫通篇五卷時議二卷

文集二
百卷

彭蠡

字師範都昌人朱子守南康從之游為朱子所重號梅坡先生官至吏部尚書

彭興祖

五歲能詩劉軻五歲能騎射紹興中張俊以名聞召見內殿以興祖為迪功郎軻為進武

校尉皆
賜袍笏

彭尋

都昌人文行為鄉里所推稱曰東園先生弟蠡天資穎敏朱熹守南康蠡質疑問難甚精以經

學名世號梅坡先生子方舉進士官至吏部尚書卒謚文定

彭龜年

字子壽清江人從朱熹張栻講學乾道間舉進士累官吏部侍郎兼侍讀嘗極諫光宗宜

盡孝道寧宗時又極言小人竊權之弊以寶謨閣待制致仕龜年學識正大議論簡直其峻君憂國先見之識敢言之氣皆人所難自偽學有禁士大夫鮮不變者龜年則始終特立卒諡忠簡

彭巖肖

號龜峯崇安人領米甲子薦邑宦咸以老成禮之巖肖性不嗜酒詩文窺韓杜戶庭指肝

劇胃不經綴一字嗜學老不倦年八旬舉武如趨張廩使問其筋力何以健答曰寡欲張頤之

楊尹補植清獻梅命賦云清獻堂前樹無稍可
著春豈知三百載復有種花人公詩皆有一唱
三嘆之遺音惜
散逸不多見矣

彭仲剛

字子復平陽人登乾道第初主金華簿移臨
海令民愛信之召為勅令所刪定官遷國子

監丞知全州減郡費寬商稅輸租得自槩量無
斛面擇學師教其子弟而親執經講說曰此古
人所以富庶而教之也丁父憂民哭扶其柩至
境外數十里曰何時復此太守乎服除知豪州
未行時令提舉浙東常
平命下而卒階朝請郎

彭方

字季正都昌人朱子守南康方就學于其門弱
冠魁省闈累官至祭酒執法殿中遷兵部右侍

郎龍圖閣學
士謚文定

彭仲舉

乾道間為正字林謙之為司業二人遊天竺談詩談到少陵好處仲舉大呼曰少陵可殺

聞者曰林司業彭正字謀殺少陵

彭正建

以詩名世有云天與蓮峰作逸民舊時相識幾尤存家書千里懶開眼獻屋兩間長閉門

彭欽

字仲恭清江人嘉定間以父蔭授軍器監主簿或欲刪其父所編內治聖鑑欽持不可遂請外

添差嘉興通判監司表其廉平

彭元忠

淳熙中為司戶楊誠齋贈詩云詩入江西社心傳時後方木天須此士丹筆校書黃

彭春年

黃巖人博貫經史累遷樞密院編修官後領教國子黜浮崇雅大風一變

彭呂

字景望泰和人幼孤力學以明經起為濂溪書院教諭元陷贛州呂不屈入廣從文天祥赴難

死

彭庭堅

瑞安人舉進士為崇安縣尹民服其威信後陞福建都帥遇害賜諡忠愍

彭九萬

字好古崇安人宋國學立禮齋長有詩文行于世兵燹存者百一如凌波辭賦水仙花云

歲芳兮婉冉悲江空兮蘭柁歸人嬋媛兮胡來遲愔風魂兮佩誰思素衣兮儼黃裏玉襦兮蒙

翠被明波亭亭兮渺愁予含香懷春兮忠苦昔遺襟兮今契闊佇佳期兮宵修絕幻塵緣兮謬

中憂時既晏兮不可留汎雲軒兮水裔紉予瑟兮難理人奚歸兮路蒼茫湘有臯兮春綠起蓋

風風楚騷風致惜不盡傳于世

彭進

字子龍有謙德粹然古君子風通書詩業詞賦晚精于易禮四試國子監魁從學者多前柳侔

彭沂興國宰劉東父靜江尹彭拱辰國學士彭淳秋官彭子與祁陽監酒劉希傳鄉貢士章貴

彭談皆從學之顯者

彭震龍

永新人天祥妹婿性跌蕩江南已附元天祥志恢復有書約震龍震龍與同邑張履翁傾

司理盟各起兵嬰城自守天祥兵不至三人遂敗劒以死

金彭昱

蕭人仕為裨將有功授懷遠大將軍五子旺鎮守兩淮等處防阿元帥議敦武州判官端蕭縣

尹德金鄉縣主簿

元彭絲

安福人父應龍宋江陵府教授致仕弟齊叔父子兄弟自相師友博習修潔俱以著述為業絲

所著有算經圖釋九卷黃鍾律說八篇禮記集說四十九卷又有易包春秋辯疑等書

彭繼凱

分宜人至正間歐普祥寇陷袁城繼凱募義士迎戰大敗之適安福義士袁明東等亦引

兵來會遂并力克復袁城乃下令禁殺掠修城池繕甲兵弔死恤孤民賴稍安遣人詣贛迎書

守寶童歸寶童嫉其功令刺客殺之城中心驚擾義士潰散

明彭真

字用實生而穎秀弱不好弄洪武間領鄉薦入太學博友名流所得益進永樂癸未詔遴國子

生四人輔贊親王真首被選授靖江王府審理正至則言論從容剖斷明恕王甚重之居官十

八年改知大興縣縣隸京師百司所需艱于酬應真到官數月冗滯叢沓咸見理釋會建官簡

用老成以蒞其事遂擢工部營繕司主事階承德郎遷戶部郎中詔巡撫江浙兼督糧稅漕餉

充給吏戢民綏上下便之頃之上疏乞骸骨不報真曰古云知止不怠世謂苟祿可耻吾今年

踰耳順況乃筋力向衰尚何榮之暮哉復懇求
退詔曰可真既歸結廬藝圃飲酒賦詩以適其

意士林
高之

彭與明

萬安人洪武中由貢士授兵科給事中陞刑
部員外郎歷官大理寺丞督察江北軍為北

平兵所
執逃避

彭友信

攸人洪武初貢至京遇上于微行處上口占
虹霓詩二句云誰把青紅線兩條和雲和雨

繫天腰命續之信應聲曰玉皇昨夜鑒與出萬
里長空駕玉橋上大悅問其籍命翌晨候于竹
橋同入朝信如其言候久弗至遂失朝上召至
殿前問故具以實對上曰此秀才有學有行命
為北平
布政使

彭泰

字鳳翔洪武甲戌會元歷侍講

彭森

字伯森南海人永樂乙未進士歷叅議

彭琉

字毓敬安福人永樂戊戌進士宣德間少師楊士奇薦入翰林為編修陞廣東僉事理學政官

至湖廣副使為人剛介居官泊然如布素勤於職務動以古人自勵致仕卒於家

彭遠

南昌人永樂初中鄉試歷官治民勤于所務陞淮安知府殷勤撫字持已清慎吏民畏服遷廣

東布政使德化大行一方仰賴以年老休官

彭勗

字祖期永豐人永樂進士授南雍府教授陞刑部主事轉考功郎中謫廣西柳州府同知致仕

彭汝器

名璉以字行安福人永樂甲申進士入讀中祕書官至翰林學士解縉嘗以鍾山龍蟠題

試之援筆而成，縉甚偉之一日，帝問柳子捕蛇者說何如，朗誦其大，于前上奇其才，令與曾榮

講學，嘗扈從北征，預修實錄，卒于官。

彭聚

為北平都指揮，與孫太副宋忠守懷來，忠敗，聚力戰死，當是時，諸將校為永樂兵所俘者百餘

人，皆不肯降，發憤死大半，不可考矣。

彭春

字季長，崑山人，為御史，執法不阿，受知宣廟，數鞫疑獄，有緋衣之賜，時鈔禁甚嚴，被命潛行訪

之，獲實以聞，邊將有匿敵所貢馬者，亦命春往察，遂逮治其人，歸諸京師，春嘗被誣下法，司鞫之，得白，宣廟笑曰：「朕說小彭御史不愛錢，那有此耶？」後擢福建左叅政，壽踰九十。

彭時

字純道，江西安福人，正統戊辰進士，第一授修撰，歷侍讀，入內閣，仕至少保、吏部尚書、文淵閣

大學士卒贈太傅諡文憲時資稟既異允養問學敬謹粹溫休休好善秉謙抒誠歷事三朝敬謹如一日世稱賢相其所論建皆深切時弊同時商文毅實相似云

彭烈

字肇烈廬陵人景泰辛未進士歷布政使

彭德清

欽天監正扈從英廟北征時王振擅權威焰震主大臣咸俯首順命初出師金星犯亢明

日黑氣四塞又越二日火星犯土彭厲聲斥振曰象緯示警不可復前若有疎虞誰執其咎振怒詈之曰倘有此亦天命也尋被害

彭教

字敷五江西人天順己卯鄉試第一歷翰林學士言動不苟抱負遠大每以方駕古人自期惜

不究所施

彭華

字彥實安福人景泰甲戌會元進士
第一仕至禮部尚書大學士諡文思

彭誼

字景宜東莞人天順初以忤權貴左調紹興府
知府民告饑即發倉賑之或謂當上聞否且得
罪誼曰待請而發轉溝壑者多矣吾何愛一身
而不以活萬命明年有秋民爭委輸不踰月而

倉復盈擢山東布
政尋陞副都御史

彭韶

字鳳儀莆田人天順丁丑進士授刑部主事仕
至刑部尚書致仕卒贈太子少保諡惠安韶孝

友溫恭廉明直諒寡慾清心始終無玷儀狀歎
然不啻寒士至法理所在義色昌詞人不可奪

林見素疏言韶諡不副行乞如葉盛
吳訥魏驥等諡事雖不行士林稱快

彭澤

字濟物陝西蘭州人弘治庚戌進士授工部主
事歷官右都御史忤朱寧逮獄坐死尋釋歸嘉

靖元年起兵部尚書致仕卒隆慶改元加少保
謚襄毅澤純誠直諒剛挺敢為兩著平寇之勲
威名震動然經畧哈密一事實不
能無故議者不以功掩過可也

彭杰

字景俊吉水人弘治庚戌進士歷叅
政弟桓字景武同科進士歷叅政

彭黥

字道顯安福人嘉靖癸
未進士歷刑部尚書

彭大有

字子謙陳州人嘉靖
乙未進士歷叅政

彭範

字克憲靈寶人嘉靖
丁未進士歷右布政

彭年

字孔嘉長洲人少游于徵明而潛思大業彌歲
從事讀誦遂皆究道之徵明大稱焉名日以著

所為文若詩一時靡焉向風爭相慕凡有名于
仕途者聞彭君無不願交雖傾蓋而語皆謂已

得彭君為喜部使者衡水楊先生宜請焉不得已而起楊先生命廩食之且令預計以其意良厚亦彊應之已而竟不行時方以經義策士年雅無富貴心陋宋儒章句不習佔俾家素貧又

嗜酒不問生產獨置甕牀頭朝夕飲耳書跡遁動貴于時

平

汝南商音韓哀侯少子塔食采平邑因氏焉又望出河內

平鄭曰子謂何

周

平鄭

齊平鄭曰子謂何曰吾對以中立

平當

字子思以明經為丞相子晏以明經歷位大司徒漢興惟韋平父子至宰相又二平宗道博士

北平恒

字維叔薊人祖視父儒並仕慕容為通官恒耽勤讀誦不以屢空改操嘗與畧注合百餘篇徵

為中書博士出為幽州別駕廉貞寡慾衣食常不足後遷秘書丞一時文儒皆推讓其博洽卒

贈都昌侯
諡曰康

平鹽

字明叔，薊人。祖延，魏安平太守。父勝，安州刺史。鹽少聰敏，有豪俠氣，以軍功累遷襄州刺史。齊

神武起，信都遷懷州，築城以防寇。城內井竭，鹽衣冠而祝泉，即湧溢。卒贈司空，諡曰文子。

平昌

代宗時為湖南觀察使，治衡州。有惠愛，人不忍名之。

平勝

魏安州刺史，薊人。

平奎

齊人

唐平致美

建中登科

宋平東

崇德人。熙寧進士，子章嘉熙進士。

平天倪

大名
人登科

平居誨

撰于闕
行程記一卷

明

平安

未詳其世家或云回紇人洪武末帥守定州才力過人謀勇無倫初遣時上諭之曰定武朕之

壯門朕知爾才特以授爾爾宜勉之安承命至定拓城池繕器械練將士以身許國隱然有壯門鎖鑰之勢及北平兵起安督兵禦之白溝河大戰九數十陣壯兵蓋弗能下也太宗親至安戰益力及壯兵既北敗安急追之因馬仆被執帳下欲用之安曰有死而已太宗義而釋之及回城益繕兵增士卒為南攻之計天下既定遂飲鵠而死詔曰我家養士止得三人若平安者其一也識哉公帥定時城澤中伏虎食人公令弟撓頭射殺之其患遂息後為大同將領頗有

乃兄之風云

平顯

字仲微仁和人博學多聞風流蘊藉詩文皆有典則書法深穩可尚黔國沐公重其才辟為教

讀卒所著有松雨齋集子宣亦工詩仕至蒙化府通判致仕

平秩

洪武進士杭州人

平思忠

吳江人洪武初為小吏薦授禮部郎中歷叅政與况鍾同寅鍾守蘇時事忠甚恭令子給

侍忠居貧自守未嘗以事干鍾人多尤之

平集

字子照以人材舉授邵武府通判上書自陳改大庾縣稅課局大使監鑄永樂錢

平鏡

程番府人興化府通判

平康裕

新城人嘉靖乙未進士歷官按察副使

京

東都角音鄭武公子段叔封於京其後氏焉又望出譙國

漢京房

字君明頓邱人師焦延壽學易甚精尤長于災變占驗以孝廉為郎元帝時日食陰霧房數上疏指陳時政得失石顯五鹿充宗嫉之出為魏郡太守卒為所中下獄死

京相

著春秋土地名三卷

宋京鏜

南昌人紹興中進士擢監察御史嘗使金出為四川帥寧宗立累遷為左丞相卒贈太保諡莊定

京泳

寺丞閩中人

京迪

寧化人寶曆中任龍南縣丞

明京銓

江夏人宣德間臨江府通判

荆

荊姓廣陵角音熊繹國亦號荆支孫因氏焉

周荆軻

衛人燕太子丹客之稱荆卿今劫秦王反諸侯侵地方入秦賓客皆白衣冠送至易水高漸離

擊筑荆卿和而歌曰風蕭蕭兮易水寒壯士一去兮不復還復為羽聲士皆瞋目髮盡指冠入

秦事不成死之

荆公

行年十五而攝相事孔子聞之使人往觀其為政使者反曰其朝清淨而少事

荆邯

平零人事公孫述為騎都尉

唐荆元剛荆里人中統間為遼東廉訪使能持風紀為世所稱卒諡端敏

五代荆罕儒周泰州刺史輕財好施禮接儒士世宗幸泰州以為團練使及將代軍吏耆艾請留

宋荆嗣信都人從祖罕儒為晉州兵馬鈐轄嗣以應募累立戰功太宗時從征太原及幽州皆率先陷

陣累遷都指揮使真宗時為邠寧環慶副部署嗣起行間以勞居方面經百五十餘戰

荆大聲江都人以貧去鄉里貨卜于臨安以明歷入太史局歷靈臺郎終于春官大夫判太史局

賜金紫

荆伯玠太平興國登科

荆惟日閩慶進士

荆思溫

至正中玉山尹有善政
澤民秩滿民勒石頌德

荆茂元

藍田尹民有兄弟爭水
磬者茂元以禮化之

明

荆志

洪武三年任寶坻縣知縣與縣丞柳青大興學
校豐優廩餼增廣生員化育人材故歷年科貢

得人比他

邑為最

荆恭

蒲州人宣
德舉人

荆茂

湖廣人成
化進士

荆應春

字子元武陟人
嘉靖戊戌進士

荆文焰

字叔韜丹陽人嘉靖已
未進士歷戶部主事

征 見姓苑今淮南有此姓

宋 征集

事其母至孝居鄉里恂恂恭謹樂賑人之窮急而未嘗與人校曲直好蓄書能為詩有子五人而教其三人者為進士長復次貴皇祐嘉祐間相繼登第集之卒也王安石為表其墓稱為淮南善士則其

人可知也已

征復

儀真人皇祐進士

征貴

儀真人嘉祐進士

明 征儼

興化人宣德貢士任麗水縣學訓導

征安

蕭縣人正統中貢士任訓導

征祥

寶應人正統貢士

征勛

寶應人成化貢士

庚

見姓苑

周庚桑楚

楚人老子之徒撰亢倉子三卷

庚霽

魯人字玄默

唐庚季良

太常博士

宋庚乘

國子博士

更

音庚

國三
更盈能虛弓

更羸明魏臣

訇許橫切

國三
訇琦

訇廣俱閩中
流人

城几氏于事者城郭園池皆姓也

周城渾職國
臣

盈晉樂盈之後

明

河南內鄉縣有盈氏

闕

周文王四友闕天之後

周
闕天

漢

闕儒

愍帝幸臣審食其下獄以朱建策言之于帝出之于獄而太后與帝交歡之

名

楚大夫彭名之後

唐

名初

魯人撰公侯政術十卷

明

名義

祥符人永樂八年征迤北有功陞都指揮使

名顯

三山人宣德中任大名通判陞工部員外郎監臨清權稅

名璽

順昌縣學教諭
上人弘治中任

名鎰

順昌縣學教諭
上人嘉靖中任訓導

營

周卿士營伯之後望出咸陽

周營伯

武王卿士

漢

營郤

京兆尹

營終

隱士

宋

營道

學究出身

明營世寶

國初知真州元季百務頽弛城塹湮廢世寶初任即築今城樓櫓濠隄俱粗備焉功有足

多者

聲

蔡大夫聲子之後

周聲伯

聲歸生

蔡大夫子

英

英氏國皐陶之後以國為氏望出晉陵

漢英布

六安人少時客相之曰當刑而王及壯坐法黥因改姓黥秦末以兵屬項梁項羽封為九江王

歸漢高祖封淮南王

宋

英秉臣

洪州人

英武

太原人與契丹戰死

明

英文受

善化人永樂舉人

英俊

公安人宣德中永寧縣丞

英繼善

祁州人洪熙舉人任知縣

英瑀

博羅人成化舉人任教諭

英孜

郛城人成化中崇德縣學訓導

英世顯

宣府人萬厯間寧夏靈山衛指揮

羸

秦姓太原伯益之後望出太原

漢
嬴公冶

嬴洛
八及中人

伶

周
伶州鳩

漢
伶徵
護羌校尉

冷
風俗通云黃帝時典樂冷淪之後

周
冷至
秦大夫穆公使報問晉惠公

冷鳩

冷向

衛大夫

漢冷耳

功臣下相侯

冷廣

功臣駟望侯

冷褒

冷豐

宋冷洙

開封人登科

榮

上谷商音周大夫榮夷公榮叔其先食采于榮因氏焉

周榮旂

魯人孔子弟子務學篤實後世追封厭次侯

榮黃

楚大夫初子玉為瓊弁玉纓夢河神索曰與將佑汝子玉弗與及與晉戰黃請與之弗聽黃曰

非神保令尹令尹實自敗也後果敗

榮駕鵝

昭公薨于乾侯喪歸及葬季孫使役如闕公氏將溝焉鵝曰生不能事死又離之以自旌

也縱子忍之後必耻之乃止

榮啓期

年九十帶索而歌

榮成伯

魯大夫

漢
榮廣

南
北
榮建緒

仕周為載師平齊後留鎮鄴與楊堅有舊堅為丞相將有禪代之計因謂建緒曰且躊躇

當共取富貴耳建緒因義形于色曰明公此旨非僕所聞堅不悅遂行開皇初來閩

楊彪上笑曰朕雖不解書詔亦知卿此言不遜

也無始洪二州刺史俱有能名

隋

榮毗

無終人自少剛鯁有局量仕為殿內監時華陰多盜楊素薦毗為華州刺史素田宅多在華陰左右放縱毗以法繩之無所寬貸後為侍御史在朝正色百僚憚之

唐

榮琇

宋

榮諲

字仲思任城人父宗範知沿山縣諲舉進士累官廣東轉運使廣有板步古河絕險諲開徑作棧道七十間遂為平塗

榮見素

榮真素

俱太平
登科

榮嶷

紹興二十六年以右朝散
大夫直祕閣知臨安府

明

榮頊

湖廣人永
樂進士

榮華

字公美藍田人成化進士治鞏洛陽有四虎為
害君祝而捕之者三民曰猛虎猶知約束吾民

豈可輕犯
擢御史

榮愷

順天人弘
治進士

榮察

字省夫藍田人正德
丁丑進士歷叅議

榮世承

大興人萬歷間山東夏津縣知縣

榮徵

臨淮人萬歷間西安衛指揮

卿 渤海姓苑云虞卿之後

周

卿秦

燕將為廉頗攻破于代

漢

卿仲遠

清河人

唐

卿侃

邵陽人貞元進士

宋

卿向

學究出身

明

卿壽

公安人永樂舉人任通判

卿惟賢

昆明人成化舉人任蓬州學正剛介不阿勤於教諭

卿朝賓

古田人成化舉人任鍾祥知縣

卿文瑞

公安人嘉靖進士

卿大湖

新化人萬厯間天府江寧縣丞

卿廷彥

灌陽人萬厯丙子舉人

鳴

見姓苑

周鳴犢

晉人見史記

貞

見姓苑

宋

貞德林

端平初
判定州

行周有大行人之官其後氏焉音衡

漢

行巡

平襄人
隗囂將

行祐

趙相

行度

行羊子

見印
數

衡鴈門伊尹為湯阿衡子孫以衡為氏

漢

衡威

衡驃卿

衡毅

蒼梧人負勇謀與同郡錢博皆為郡太守長沙吳巨所信用

三國衡胡

孟人高堂生弟子明易官二千石

衡守直

金部郎中

宋衡貢

登進士第

明衡

闕

民自常祿外饋遺一無所

取布衣蔬食不異寒士嶺海間翕然稱其廉遷西安知府其清操善政如在潮改慶陽亦以清

白自勵永樂十年朝覲至京以言事忤旨謫戍交趾後以御史表鉉等交章薦之起為南城令改南豐令其為令祿薄不足用常於官舍種菜以自給家人或有愠色輒曰不猶愈充軍邪岳沒後二十

年文淵子刑部尚書喬新為河南按察使表其墓曰皇明有廉吏曰桂林太守衡公人咸以為實錄云

衡宇

實應人永樂中歷工部主事

衡守敬

邱縣人弘治中任南昌教諭

衡準

應城人舉人正德中任番禺縣知縣

衡佐

秦縣人嘉靖中任永年縣丞

坑

見姓苑

明坑應奎

安肅人正德中任桐城縣主簿

坑進良

福建人嘉靖進士

生

見姓苑陰飴生之後以名為氏

漢

生臨

見印

明

生用和

蓬萊人洪武中由國子生任桐鄉知縣經營草昧得其領要民皆樂之

生甫申

沔池人永樂中直隸桃源縣主簿

湖廣襄陽

府有生氏

萌

見姓苑州名

五代 五
萌慮 蜀裨
將

刑

漢
刑穆 大司
徒

宋
刑滢 紹定間
劔州法曹

明
刑哲 東鹿人
宣德舉人任晉府長史

刑惟一 合水人
景泰間任長汀知縣

刑昊 枝江人
舉人成化間知清流縣歷應天府治中

刑冕 南城人
成化間任懷安知縣

闕

邲
音紅

明
河南信陽
州有邲氏

賈

明
湖廣松滋
縣有賈氏

爭

漢
爭不識

爭同

見印
數

葉

音行

葉廣

見印
數

清

宋

清賢

端平進士
遂寧人

清畫

紹熙間同
安縣知縣

闕

嬰

晉大夫趙嬰齊之後

甥

亦作生晉呂甥之後

成

文王第五子邲叔武封成伯以國為氏

黥

英布少時以罪被黥遂為黥氏

并

州名見姓苑

評

官名見姓苑

旌

見姓苑

禎

見姓苑

瀛

見姓苑

鏗

見姓苑

銜

音征見直音

鄧

音盈見直音

萬姓統譜卷五十四

欽定四庫全書

萬姓統譜卷五十五

明 凌迪知 撰

下平聲

九青

丁

濟陽徵音齊太公生丁公伋子孫以字為氏

漢

丁令威

遼東人學道于靈墟山後化鶴歸遼集華表柱云有鳥有鳥丁令威去家十年今始歸城

郭如故人民非何不學仙塚累累

丁寬

梁人初梁項生從田何受易時寬為項生從者謂易精敏遂事何學學成東歸何謂門人曰易

已東矣景帝朝寬為梁孝王將軍作
易說三萬言後寬授同郡田王孫

丁密

字靖公蒼梧人性清介非家織布不衣非已耕
種菜果不食毫髮之餽不受於人遭父喪廬于

墓側有雙鳧游密廬旁小池見人馴伏後遭母
喪復廬墓三年歸至舊廬一宿故雙鳧復至游

戲池中舊志訛并以密
為丁蘭蓋不考之過也

丁恭

東緡人習公羊嚴氏春秋學義精明教授生
徒恒數百人當世稱為大儒官至諫議大夫

丁綝

以偏將軍下河南等二十
一縣建武初拜河南太守

丁鴻

潁川人父綝從光武以功封陵陽侯鴻少受尚
書於桓榮父歿當襲爵讓于弟而教授里中章

帝詔鴻與諸儒校五經
于白虎觀累官至太尉

丁蘭

河內人母喪刻木像事之若生隣人張叔醉詈母像以杖擊其首蘭歸見母像色若有不憚詢

知之即奮擊張叔吏捕蘭像為之垂淚郡嘉其孝通神明奏之詔圖其形

丁復

元功十八人復位次居十七始為趙將已而從高祖入關定三秦破龍且拜大司馬復破項羽拜將軍封陽都侯

三國丁奉

字承淵安豐人少以驍勇為小將屢立戰功孫亮即位為冠軍將軍後遷大將軍領徐州牧

丁諤

錢塘人出於役伍顧邵拔而友之為立聲譽揚其善以並陸全之列仕吳至典軍中郎世以邵為知人

丁覽

字孝連清身立行用意不苟推財從弟以義讓稱補郡功曹遷始平長門無雜賓孫權深貴重

之未及摧
用會病卒

丁固

字子賤覽之子在襁褓關澤見而異之曰此兒後必至公輔固少孤家貧事母能色養致敬族弟孤弱與同寒溫後歷顯位還司徒時孫皓悖虐固與陸凱孟宗同心憂國年七十六卒

丁儀

丁廙

兄弟並有文采魏文帝以為曹植黨誅之

晉
丁潭

會稽人雅有時望與同郡孔愉張茂齊名潭字世康愉字敬康茂字偉康時人號曰會稽三康

丁信言

後燕慕容盛字道運識其羣臣于新昌殿盛曰諸卿各言其志朕將覽之七兵尚書丁信

言年十五盛之舅子也進曰在上不驕高而不危臣之願也盛笑曰丁尚書年少安得長者之

言乎盛以威嚴馭下驕暴少
親多所猜忌故信言及之

丁穆

字彥遠譙國人為順陽太守符堅寇順陽戰敗
被執稱疾不仕後堅傾國南寇穆與關中人士

謀襲長安
事泄遇害

丁紹

字叔倫冀州刺史嘗破寇有功假節監
冀州諸軍事號令嚴肅人畏而愛之

唐

丁仙芝

曲阿人舉進士為餘杭尉工詩郡人又
有陶翰殷遙張潮皆以能詩聞于時

丁表

麟德中為於潛令有
政績邑人立德政碑

丁公著

字平子蘄州人舉明經授校書郎父喪負土
作塚詔旌其孝累官工部侍郎湘西觀察使

徙河南尹治以清靜聞四遷禮部尚書翰林侍
講學士時湘東災癘拜觀察使賜米七萬斛使

賑饑
民

丁位

詩人

丁衿

金壇人弱冠為楊行密都知兵馬後不自安以病歸平生不殖貨不嗜酒不掩人善生於亂世

而得明哲
保身之義

五代
丁思覲

湖南楚王馬希範作會春園嘉宴堂其費鉅萬牙將丁思覲廷諫希範曰奈何耗國用而窮土木為兒女之樂乎希範謝之思覲瞑目視希範曰孺子終不可教也乃扼喉而死

宋

丁德裕

臨洛人父審琦章義軍節度裕仕周為供奉官宋初累官內客省使成都初平羣寇大起

用為西川都巡檢使率兵討平之後
征江南領常潤等州經略巡檢使

丁少微

亳州真源人為道士隱華潼谷密邇陳搏所居志尚清潔善服氣多餌藥百餘歲康強無

疾宋太宗召赴闕以金丹巨勝南
芝玄芝為獻留數月遣還山卒

丁罕

潁州人以應募補衛士累遷指揮使淳化中為
澤州團練使知霸州河決以私錢募築民咸德

之後拜密州觀
察使徙貝州

丁逢吉

清河人父覬後唐清泰初陷於契丹後脫身
南歸逢吉精於醫術事真宗於藩邸然好聚

書與儒者游
力教其子度

丁度

字公雅逢吉子真宗時登服勤詞學科累官端
明殿學士仁宗嘗曰度侍從十五年數論天下

事未嘗及其私除樞密副使改泰知政事遷
尚書右丞其在經筵上常呼學士而不名

丁寶臣

字元珍晉陵人與兄宗臣俱有文聲號二丁景祐中同登進士寶臣歷官至祕閣校理英

宗每論人物必稱之尤與歐陽脩友善脩志其墓

丁偃

吳人初試遇英延義講詩云白虎前芳掩金華舊事輕天心非不寤垂意在蒼生有古詩諷諫

之體

丁顥

與寶偁同幕時顥子謂尚幼偁見而奇之曰此子從必以文致遠以女妻之

丁諷

治平中知蔡州設法賑濟活者六十萬人籍為兵者又數千詔移知亳州蔡人攀慕號呼事聞

復還任及代去閉城斷橋不得行者累日

丁世雄

字少雲溫嶺人父軾進武校尉少雲挾周禮應舉坐不如式罷俄而校尉死無兼子弟少

雲且讀書且磨家慨然曰豈天之與我有限哉
我非以家自沒者也即其居起高堂溫室闔園
池招致四方名士與游意欲有所論著客自天
台雁蕩來者必歸之留連旬月有依之不去者
凡鄉人有官私急難常借助之稅役或為代輸
疾病請藥死而無歸者為殮葬有以偽死乞餒
具者少雲不以疑也亦畀之從弟希亮常警少
雲似杜李良輕薄少雲不為變及希亮得疾垂
絕無妻子幼乃請少雲屬以後事少雲杖泣曰
弟毋勿勿他日少雲經紀諸用厚於希亮在時
人以此
並多之

丁公膺

醴陵人紹興初為高郵尉拒金兵力戰死之
朝廷嘉其忠節官其子倚終銜山宰初靖康
間倚弟公億與凡公萬避難于鄉賊得公萬縛
之將就炮烙公億號呼願以身代賊義而舍之

一家
獲全

丁仁

醴陵人擢進士第累遷淮蜀制幕及高沙之變仁諭以順逆降之知無為軍依城築堰郡人感

德名曰丁公堰繼解合肥之圍進知太平軍湖北漕使退居二十年卒年八十四

丁昌期

永嘉人以明經篤行師表後進建醉經堂自作記既沒鄉人尊之曰經行先生三子寬夫

三舉鄉貢廩夫舉八行志夫登紹興第俱好古力學侍父側弟兄商論如朋友不為苟且曰此理天下所共不可為家庭屈比執親喪斥去浮屠歲時享祀一遵古禮

丁仲脩

字敏之温州人方臘陷樂清仲脩帥鄉兵禦諸樂灣鄉兵失據而散仲脩以餘兵與賊戰

乃死
力屈

丁逢

字端叔晉陵人舉進士金主遣其壻烏凌阿天錫來估賈驕黠衆憤而莫能折逢謂示上何以

為國上書乞斬之孝宗嘉其材氣可尚召對除國子監書庫官終寶謨閣侍制

丁明

金壇人閉門讀書二十年手編事類及諸史通考等書百餘卷奉祠家居及卒鄉里私謚博雅

先生

丁鏐

新建人以伊洛之學倡江右子弟雲集與陸子靜友而議論有不同者號甕天先生孫中篤學

力行聚書數萬卷號韋軒先生

丁銳

會稽人秀州司戶在官著仁政有活民書行世

丁雋

醴陵人習春秋時稱丁三傳兄弟十七人義聚三百口家無間言祥符中詔旌表門閭

丁天錫

赤岸人性沉靜有器識讀書勤苦諸子百家書無不精熟父先卒惟母在堂奉養至謹怡

悅承志一日遇兵寇入其家拘母索所有母曰讀書家貧無所藏畜寇持兵欲殺之天錫衛母身曰欲傷我母寧殺我身所見任取之寇亦自化語曰天不殺孝子於是母子俱得解難治平四年母將歿語天錫曰吾病必不起死生人之常也况年九秩又何憾乎語既引身浩歌而終歌辭卓異家人錄之

丁常任

字卿季寶臣從孫父婁明孝宗甘盤之舊常任博學強記累官戶部侍郎極論復讐大義

盡言無諱後以太中大夫寶謨閣侍制致仕爵晉陵縣開國男食邑三百戶壽八十三終于家

丁允元

字叔中常州人淳熙中以忠諫謫守于潮增置韓江西岸石洲四架以梁而屋其上民懷

之名曰丁公橋撥田租三百六十
五石于學以贍士今祀于名宦

丁煇

福建人為人剛直不受私謁累官至大府少卿
嘉定間為利州路安撫使兼知興元府決事明

白吏民信服魏了翁嘗曰丁晦
叔武階一人而已晦叔其字也

丁瑜

永嘉人世元孫昌期從兄以樂善好施聞于鄉
有君子長者之風子如其父弟如其兄子孫世
守鄉黨所法而瑜尤長者
事見周恭叔宋元晦文集

丁處榮

富順人咸平間王均叛處榮備牛酒宴均
于燕樓擒斬之殺其餘黨授榮州長史均

丁伯桂

字元暉莆田人嘉泰中第進士紹定初史彌
遠擅國留提轄雜賣場六歲遷宗學博士論

事慙直無所附麗端平中與李宗勉同除監察
御史居言路二年屢論劇切遷中書舍人韓休

除節鉞伯桂封還詞頭嘉熙中拜給事中
方論馭余天錫名命而卒贈通議大夫

丁璉

字玉甫番禺人少有才名杜門讀書如坐山谷
講明經學遠近從之受業者羅廬于外元豐二

年登時彥榜進士始授融州司戶歲侵民相聚
為盜立法賑濟邑境復安監司以功列薦于朝

還宣教郎尋拜大府丞
知離庫改朝議郎賜銀魚

丁從龍

泰寧人有勇好義紹定三年率鄉兵擊走寇
盜功授保義郎端平二年領兵淮安城下與

敵大戰攻破土城敵兵奔潰克復淮安轉忠翊
郎其年秋遇盜于梧州懷集縣戰死朝廷褒贈

立廟
祀之

丁宗魏

金壇人嘉定間第進士以從政郎再令揚子
縣兼義武民兵軍政時金人寇儀真人情洶

洵欲渡江以避宗魏獨不肯曰守禦之臣誠死封疆敵至而遁孰為之守卒不聽久之建同愛堂脩州志二十卷以行世累官朝奉大夫知廣德軍

丁大全

字子萬鎮江人面藍色嘉熙二年進士調蕭山尉有及民之政旋致改行實祐間累官右

丞相侍御史沈炎右正言曹永年相繼論劾大全假刑威以箱天下之口挾爵祿以籠天下之財竄置新州移徙海島將官畢遷護送舟過滕州擠之於水而死

丁時習

字行可邵武人初試有司不合遂棄舉業鄉朝貴有以書荐於有司俾自持謁時習嘆曰

使我能俯仰人不煩書矣屏去弗視晚年節益高文益奇未嘗以貧窶見辭色

丁黼

成都制置使也嘉熙三年北兵自新井入詐豎宋將李顯忠之旗直趨成都黼以為潰卒以旗

榜招之既審知其非領兵夜出城南迎戰至石筍街兵散黼力戰死之

丁隲

字公黜武進人嘉祐進士以經學倡後進尤長于易春秋為文自成一家官至太常博士右正

言有文集

二十卷

丁易東

龍陽人舉進士為編脩官入元數徵不起註周易傳疏以便學者建石壇精舍教授生徒

資以廩費事聞賜額沅陽書院授以山長

金

丁暉仁

宛平人冲澹寡欲好學無倦舉進士調武清縣丞詣學校召俊秀子弟教之遷和川令先

是羣小趙法暉仁申明法禁奸吏屏息累遷陝西轉運使

元

丁好禮

蘇州人精律算累官戶部侍郎京畿漕運使立漕運成法人皆便之尋陞戶部尚書好禮

善搏節浮費以足國家之用拜叅知政事後以
論議不合謝政天兵入京城或勸其謁大將好
禮叱曰我以小吏致位極品所以報國惟一死
耳大將召好禮不行畀至齊化門抗辭不屈而
死

明
丁鶴年

其先西域人元末因父兄游宦寓居武昌縣
之西山博學能文辭尤長于詩性耿介不混

于塵俗年九十終
于家有詩集傳世

丁義

字宜民號芸嶼洪武間膺荐命賦皇都秋曉詩
授樂平知縣賦中秋詩有共看民繼無塵染不

犯秋毫有免知之句陞
刑部主事有康山詩集

丁豫

字叔寬海鹽人洪武應聘至京論治道稱旨授
江西按察僉事子麟以文名麟官工科給事中

監察御史

丁普郎

黃陂人從征陳友諒有功授行樞密院同知復與友諒戰死於鄱陽身被十餘創首脫猶

執兵若戰狀直立不仆贈柱國上將軍封齊陽郡公從祀康山忠臣祠

丁玉

洪武初任廣西等處行中書省叅政兼都衛指揮使以仁惠為政軍民悅服

丁顯

字彥偉福建人洪武進士第一博通經史援筆立成國朝狀元及第自顯始

丁恕

南陵人德性敦厚仗義輕財嘗于鄰居垣得白金首飾一囊詢其實還之鄉人皆稱其有德

子鑑聰敏力學累官兩浙都轉運鹽司使以廉能著稱朝廷嘉之賜衣楮幣錫宴禮部後陞刑

部左侍郎

丁璿

江寧人立心平易行己安詳永樂初登進士第改庶吉士擢工部主事宣德中為監察御史歷

陞都察院右副都御史

丁鉉

字用濟豐城人永樂中進士除太常博士歷刑部員外郎正統初陞刑部右侍郎扈從北征而

亡贈本部尚書錄用其子

丁俊

字秉存豐城人永樂進士任御史巡按福建食惟豆腐人謂之豆腐御史都御史每舉之以勵

群屬以剛直忤權貴致仕

丁毅

無為人永樂間進士授翰林院庶吉士領敏過人性剛直時武臣有紀綱者多弄法勢傾中外

衆莫敢忤獨毅每侍朝直言與抗綱服其直竟不能挫時人咸以二鮑擬之其不畏權勢多類

此年三十
二卒於官

丁鉉

字永時永樂間舉楷書入胄監擢戶部主事歷官兩浙都轉運鹽司使正統甲子以廉能受褒就賜襲衣楮幣累遷刑部左侍郎致仕卒

丁資

南直隸人進士授戶部主事陞郎中知府進兩浙都轉運鹽使歷官清白自將及為運使益勵其操一錢不私朝廷察其廉推刑部左侍郎以旌之

丁泉

汀漳守備都指揮天順六年盜賊竊發泉率兵守禦賊不敢窺繼而賊熾提兵深入攻破賊壘奮身力戰死于陣敕祠曰褒忠

丁鏞

字鳳儀上元人成化己丑進士任南京刑部主事至郎中出守興化嘗斷疑獄人以為神未久

致仕性嗜文學耽詩尤愛佳山水多宿山寺蓋清逸之士也

丁璣

字玉夫丹徒人初為御史上疏諫用萬妃憲皇怒逮繫命擊齒落璣毅然不為動後擢憲副提

廣東學政死于溺家業蕭然曾未嘗入念

丁積

字彥誠寧都人成化進士知新會縣始至間民俗見訟牒倥偬好越訴乃下教令申明約束抑強扶弱苟罹於法雖日侍左右不少貸日究心民事勞瘁卒于官

丁鳳

字應韶蠡縣人成化丁未進士歷戶部侍郎

丁溥

字原敬華亭人成化己丑進士第二歷編脩

丁致祥

字原德武進人正德戊辰進士歷叅政

丁湛

字子一金壇人嘉靖乙丑進士歷按察使

丁璿

字希甫薊州人嘉靖戊戌進士歷按察副使

丁士美

字邦彥清河人嘉靖己未進士第一歷吏部左侍郎兼學士贈禮部尚書諡文簡

邢

河間商音周公第四子封于邢傳所謂邢茅胙祭周公胥是也子孫以國為氏

周邢蒯賸

齊臣崔杼弑莊公蒯賸使而返驅之將入死而報其君其僕曰君之無道也四隣諸侯莫

不聞也以夫子而死之不亦難乎蒯賸曰吾聞食其祿者死其事吾食亂君之祿矣又安能治

君而死之遂驅入死其僕曰人有亂君人猶死之我有治長可無死乎迺結轡自刎於車

漢

邢綏

司空

三邢顥

字子昂河間人舉孝廉司徒辟皆不就從田疇游積五年曹操辟為冀州從事顥時人稱曰德

行堂堂邢子昂後仕魏除
行唐令累遷尚書僕射

晉邢峻

南邢祐

鄭人少有學尚知名于時仕
魏為平原太守賜爵成平男

邢巖

祐從孫少好學守貧勵節博覽書史有文才幹
略仕魏累官散騎常侍兼尚書終殿中尚書弟

偉尚書郎中晏博涉經史官至滄州刺史晏初
例得一子解褐乃舉弟之孤慎為朝請兄之孤

昕為通
直常侍

邢才

少為盛名鼓動京洛文宗學府
獨秀當年足為一代之模楷也

邢晏

字幼平位滄州刺史
為政清淨吏人安之

邢產

字神寶佑子善屬文少作孤蓬賦
為時所稱舉秀才除著作佐郎

邢蚪

字神彪佑從子為尚書左丞凡所糾正臺閣肅
然孝文因公事與語問朝覲燕享禮蚪以經對

邢臧

字子良蚪子北魏永安初除東年太守清慎奉
法吏人愛之和雅信厚有長者之風為時人所

愛敬累官
樂安太守

邢邵

字子才蚪子十歲能屬文日誦萬餘言名動衣
冠雕蟲之美獨步當時每一文初出京師為之

紙貴仕北魏
為中書令

邢峙

字士峻少學通三禮左氏春秋仕齊文宣帝為
國子助教以經入授皇太子峙方正純厚庖人

進太子膳菜有邪蒿峙令去之曰此菜有
不正之名非殿下宜食文宣聞而嘉之

邢昕

字子明臧之子昕幼孤好學早有才情
解褐盜寇將軍累遷太尉記室參軍

唐

邢君牙

樂壽人以戰功歷果毅折衝郎將德宗出狩
奉天君牙率兵赴難封河間郡公李晟在鳳

翔數行邊常以君牙守晟入朝代
為節度使屯耕講戰吐蕃不能侵

邢文偉

全椒人咸亨中為太子典膳丞太子罕接宮
臣文偉上書曰古者太子既冠有司過之史

徹膳之宰今史既闕官宰得奉職謹守禮經以
聞後右史闕高宗曰文偉切諫吾兒此直臣也

遂授之累遷
鳳閣侍郎

邢審容

穆宗時攝中都縣事
博學能文昂新聖廟

邢和璞

得仙與崔司馬有舊崔病經年且死一日臥室聞北牆有齟齬聲七日不已窺之有人立云

邢真人處分開此司馬厄

邢濟

乾天初為桂管經略使時西源蠻叛濟擊平之擢為防禦使

邢羣

字渙思會昌五年自戶部員外郎刺處州政尚嚴明吏人畏之在任刑清事簡束縛黠吏撫輯良民冗事弊政必務盡拔其根株而後已去之日老稚泣送于途

邢象之

詩人

宋邢昺

字叔明鄭人應九經廷試日召至外殿講北師二卦又取羣經發題太宗嘉之擢上第真宗朝授翰林侍讀學士尋陞刑部尚書及卒真宗以宮邸舊僚臨喪殯涕

邢惇

字君雅雍邱人嘗舉進士不中慨然有隱遁之意真宗幸亳州以布衣召對問以治道惇不對

真宗問其故惇曰陛下東封西祀皆已畢矣臣復何言真宗大悅

邢煥

字文仲開封人以父任調汜水縣主簿累遷樞密都承旨屢奏馬伸言事切當宗澤忠勞可倚

黃潛善汪伯彥誤國其言多所裨推保靜軍承宣使

邢昂

太原人高蹈不仕時宰相寇準文彥博王曙陳堯佐范仲淹咸雅重之

邢繹

鄭人父儵宋知鼎州因家焉繹以蔭入官連倅五郡後倅襄與帥爭疑獄因不仕起知興國軍

秩滿歸武陵號復菴居士

邢恕

字和叔河東人從伊川學呂公著荐為崇政殿說書元祐初除御史後謫隨州

邢居實

字敦夫，恕子。有文，早夭。蘓子瞻云：敦夫自為童所與交，皆諸公長者，百不一見，遂與草木

共盡。黃魯直云：謝師復年未二十，文章不類少年語。方行萬里出門，而車軸折甚矣。敦夫似吾

師復也。且有絕句云：詩到隨州更老成，江山為助筆縱橫。眼看白壁埋黃壤，何況人間父子情。

邢燾

嘉定中十二年己卯，以通直郎出守政尚寬平，才足立事。濬九里河，成外內之河渠，咸有成績。

橋梁舍館園池器物之飾，蹻然一新。

遠

邢抱朴

應州人。父簡，刑部郎中。抱朴好學，博古與弟抱質俱受經於母陳氏。保寧中，抱朴累官翰林學士，承旨叅知政事，嘗按察諸道黜陟守令。

大協人望官至南院樞密使。抱質亦官至侍中。

元

邢飛翰

霍州人。性剛果，以薦為內御史，已延專政。飛翰面質其非，叅議富珠哩、奸邪復廷劾之。後

以兩淮鹽運使同知致仕元末兵亂被執不屈而死追封工部尚書謚忠義

邢秉仁

延祐中廣平路總管平反冤獄發摘奸伏典學勸農善政甚多

明

邢昭

洪武八年來司新會稅貧而能廉介而有守月友俸饘粥不充或日中無食人遺之米亟命持

去語妻曰寧饑餓以死不可受滿去無道里之費父老瞋之一無所受

邢寬

字用大無為州人永樂甲辰進士第一授翰林修撰陞侍講遷南京翰林院侍講學士

邢瑞

井陘人永樂庶子鄉舉授監察御史擢湖廣副使撫輯苗夷甚有恩紀秩滿父老懇留復任卒

于官士民哀之

邢政芳

淑浦人永樂丙戌進士歷官交趾按察僉事改山東廉慎自持不苟取與致仕歸苟中惟

俸金三兩家居不入城郭澹泊
自如饘粥不給未聞怨悔言

邢奇

字彥美長清人天資穎悟議論敏捷蓄書萬卷時號書精當道薦于朝以直言忤大臣授河泊

官在任歲餘歸卒于
家所著有經菴集

邢宥

字克寬瓊山人正統進士任監察御史剛直敢言陞台州知府民甚信服歷都察院右副都御史稟性廉介於人不少假借外樸內剛好讀書詩文道美有法家庭孝友田產多讓諸弟歸體

囊業蕭然海南
人物稱為第一

邢量

字用理長洲人隱居以醫卜自給性狷介不取與人無將迎足跡不出里門長日或不舉火客至相與清坐而已其本自經史外凡釋老方伎之說無所不通朝士有欲遇之者固謝不納

邢簡

字居敬咸寧人正統丁卯解元甲戌進士歷真定知府簡嚴明憲祛弊均賦吏畏民懷轉順天

府尹歷戶部侍郎為人廉仁公勤喜善隱惡善誘後進及門者多成材之士

邢正

心宜山人成化五年知廬州府持正大撫恤民隱人咸稱之

邢讓

福建人成化進士禮部侍郎

邢珣

字子用當塗人進士歷郎中坐忤逆瑾罷未幾復官正德十年出任脩學作士躬率行古禮征

橫水桶岡龍川泖頭諸寨勤兵擒逆濠累陞江西叅政右布政使

邢寰

字伯宇黃梅人志行端方才識超絕總角司衛者試賢哉二大夫論足軼繩尺隸儒士領薦登

正德戊辰上第會科道缺人下弭盜議遣補復稱旨超擢刑科給事中尋轉禮科都給事以犯

顏諫諍為已仕上領之呼曰酸子禁中有為輒問近侍曰邢酸子得無知乎或欲逮狩宴拜伏五鳳遮阻內竊知之從後載逸出其為穀廟敬憚如此後忤中貴謫廣德州判官調太平郡貳陞南昌知府恤瑾興賢剔蠹振滯萬口掄頌

邢如默

字宣甫臨邑人嘉靖己丑進士歷給事中

邢尚簡

字原敬臨邑人嘉靖辛丑進士歷都察院右僉都御史大理寺卿

邢參

長洲人麗文湛然好書立士行講授里中以醇和稱昌穀諸君皆與遊其文亦質而不華貧無

以朝夕空如也竟未嘗娶恒獨居遇雪累日囊無粟兀坐如朽株諸君念之試叩門見其無慘凜色方苦吟共相慰勞亦不言也第誦所得句自喜又嘗連日雨復往視參則屋之三角墊方

怡然執書坐其一角不憚亦累夕矣昌穀論其
有四懿居約而恬愉採槩履方吳士喜任俠若

參者有道
君子也

邢一鳳

字伯羽龍江衛人嘉靖辛丑進士歷
翰林侍講出參四川陞副使致仕

邢第

字進卿長垣人嘉靖丙
戌進士歷按察副使

邢守庭

字紹男臨潁人嘉靖丙
辰進士歷太僕寺卿

經

榮陽
徵音

晉經曠

太元中出
還宛記

明經濟

濠州人為鄉里耆老國初車駕入濠賜濟等宴
謂曰諸父老皆吾故人豈不欲朝夕相見然吾

不得久留此父老歸宜教導子弟為善立身孝弟勤儉養生父老等亦宜厚自愛以樂高年濟

等頓首謝皆
惟醉而去

經緯

江寧人天順
間舉人知縣

經綸

溧水人弘
治舉人

經秀

字世英正德
中南康知縣

經彥家

廣東
僉事

經儒

丹陽人嘉靖
乙卯舉人

經世文

撫州人萬歷
丙子舉人

星 見姓苑

晉 星重

見羊氏家傳

元 星吉

字吉甫河西人事仁宗于潜郎以精敏稱累官江西行臺御史大夫克持風裁歷湖廣江西行省平章星吉至江東詔令守江州時賊據州縣星吉屢破之既而中流矢昏仆既蘇不食而死

星吉公廉明潔能以忠義感激人心故能以少擊衆云

明

星奎

沅江人洪武中任叙州府推官

星近斗

諸城人萬厯間貴州衛千戶

靈

子姓宋大夫子靈之後以字為氏

周靈輒

晉人趙宣子田于首山舍于翳桑見輒饑食之輒舍其半問之曰請以遺母因與之葷食與肉

靈公嘗伏甲攻宣子輒倒戟以禦公徒而免之問其故對曰翳桑之餓人也問其名居不告而

退遂自亡

靈不緩

宋左師

靈姑浮

越大夫以戈擊閭閻

漢

靈常

高帝十二年以荊令尹從擊鍾離昧及利幾英布有功封陽羨侯邑二千戶子賀襲封陽羨侯

賀子勝襲封陽羨侯

唐

靈幼孫

范陽人江陰令

明 靈芳 陽谷人 洪武中以人
材任山西崞縣知縣

零 見姓
苑

明 零暢 橫州人 宣德舉
人 博白知縣

零廣 天順舉人
長沙教授

零經 安定人 成化舉人
廣東定安縣教諭

零混 安定人 成化舉人
韶州府學訓導

寧 秦寧公
之後

漢 寧昱 都尉

寧城

濟南人
都尉

寧越

趙人與蘓秦之
徒為六國謀士

明

寧全

行唐人正德中
湯陰縣訓導

寧興邦

湘陰人萬厯間
江西龍泉縣丞

鉞

見姓
苑

漢

鉞守

太子太傅
見風俗通

鉞裴

字子然北海相孔融
以其賢配社祭之

冥

禹後因
國為氏

漢 冥都 丞相史治公羊春秋疏廣弟子

青 卽青陽氏之後

周 青弁 趙義士豫讓友

宋 青傑 應天人登科

明 青文盛 四川大寧人洪武中龍陽縣典史時邑民負祖三萬餘石文盛詣闕請免章三上不報自縊于登聞鼓下上命官覈實詔蠲之仍以一千三百為額民德之因立祠祀焉

青麟 遼州人景泰舉人

青大 山東都指揮勦妖賊有功

青若水

桃源人河南
陳州指揮

陘

晉大夫以邑為氏又
魯公孫有陘氏之族

陘

音形見
直音

陘

音形見
直音

陘

音形見
直音

庭

州名見
姓苑

亭

見姓
苑

鄧

邑名見
姓苑

鄒

見姓

垚

音星見
直音

霰

音零見
直音

萬姓統譜卷五十五